

25 февраля.

Среда 1-й седмицы Великого поста. Свт. Мелетий

Утренняя (приходская)

Священник, начиная каждение у престола:

Благословен Бог наш, всегда, ныне и присно и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, **(12 раз)**

Слава Отцу и Сыну и Святому Духу, и ныне и присно и во веки веков. Аминь.

Чтец читает двупсалмие; в это время священник совершает полное каждение храма.

Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое точно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небесе Святаго Своего, в силах спасение десницы Его. Сии на колесницах и сии на конех, мы же во имя Господа Бога нашего призовём. Тии спяти быша и падоша, мы же востяхом и исправихомся. Господи, спаси царя и услыши ны, воньже аще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их, яко пещь огненную во время лица Твоего; Господь гневом Своим смятёт я, и снесет их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоём и поём силы Твоя.

Слава Отцу и Сыну и Святому Духу, и ныне и присно и во веки веков. Аминь.

Святой Боже, Святой Крепкий, Святой Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй *(трижды)*.

Слава Отцу, и Сыну, и Святому Духу, и ныне, и присно, и во веки веков. Аминь.

Отче наш, Иже еси на Небесах! Да святится имя Твое, да придет Царствие Твое, да будет воля Твоя, яко на Небесах, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава, Отца, и Сына, и Святого Духа, ныне и присно, и во веки веков.

Чтец: Аминь.

Чтец: Спаси, Господи, люди Твоя и благослови достояние Твое: победы на сопротивных даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознесиися на Крест волею, тезоименитому Твоему новому жительству щедроты Твоя даруй, Христе Боже; возвесели нас силою Твоею, победы дай нам на сопостаты, пособие имущим Твое оружие мира – непобедимую победу.

И ныне и присно и во веки веков. Аминь.

Предстательство страшное и непостыдное, не презри, Благая, молитв наших, Всепетая Богородице; утверди православных жительство, спаси верных люди Твоя и подаждь им с Небес победу; зане родила еси Бога, едина Благословенная.

Ектения сугубая

Священник: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды)*.

Священник: Еще молимся о Великом Господине и отце нашем, Святейшем Патриархе Кирилле, и о всей во Христе братии нашей.

Лик: Господи, помилуй *(трижды)*.

25 февраля. Среда 1-й недели поста. Свт. Мелетий

Священник: Ещё молимся о Богохранимемй странё нашей, властёх и воинстве ея, да тихое и безмолвное житиё поживём во всяком благочестии и чистотё.

Лик: Гóсподи, помíлуй *(трижды)*.

Священник: Ещё молимся за всю брáтию и за вся христиáны.

Лик: Гóсподи, помíлуй *(трижды)*.

Священник: Яко Мíлостив и Человеколюбец Бог есí, и Тебё сла́ву возсылаём, Отцú и Сыну и Свято́му Дúху, ныне и прíсно и во ве́ки веко́в.

Лик: Амíнь. **Именем Госпóдним благословí, óтче.**

Священник: Сла́ва Святéй, и Единосу́щней, и Животворя́щей, и Нераздéльной Трóице всегдá, ныне и прíсно и во ве́ки веко́в.

Лик: Амíнь.

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в вы́шних Бóгу, и на землí мир, в челове́цах благоволе́ние. *(Трижды)*

Гóсподи, устне моё отvéрзеши, и уста́ моя́ возвестя́т хвалу́ Твою́. *(Дважды)*

Псалом 3

Гóсподи, что ся умно́жиша стужа́ющие ми? Мнóзи востаю́т на мя, мнóзи глаго́лют души́ моёй: несть спасéния ему́ в Бóзе его́. Ты же, Гóсподи, Засту́пник мой есí, сла́ва моя́ и вознося́й главу́ мою́. Гла́сом моим ко Гóсподу воззва́х, и услы́ша мя от горы́ святы́я Своея́. Аз усну́х, и спях, воста́х, яко Госпóдь заступит мя. Не убою́ся от тем людéй, óкрест напада́ющих на мя. Воскресни́, Гóсподи, спаси́ мя, Бóже мой, яко Ты порази́л еси́ вся враждующыя ми всúе: зу́бы грéшников сокруши́л еси́. Госпóдне есть спасéние, и на лю́дех Твои́х благослове́ние Твоё.

Аз усну́х и спях; воста́х, яко Госпóдь заступит мя.

Псалом 37

Гóсподи, да не я́ростию Твоею́ обличи́ши мене́, ниже́ гнёвом Твоим на́кажеши мене́. Яко стрéлы Твоя́ унзо́ша во мне, и утверди́л еси́ на мне ру́ку Твою́. Несть исцелéния в плóти моёй от лица́ гнёва Твоего́, несть ми́ра в

костѣх моих от лица грех моих. Яко беззакония моя превзыдоша главу мою, яко бремя тяжкое отяготѣша на мне. Возсмердѣша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобою все желание мое и воздыхание мое от Тебе не утайся. Сердце мое смятѣся, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущи душу мою, и ищущи злая мне глаголаху суетная и льстивным весь день поучахуся. Аз же яко глух не слышах и яко нем не отверзая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внигда подвижатися ногам моим, намя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепятся паче мене, и умножятся ненавидящии мя без правды. Воздающии ми злая возблагая оболгашу мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похвалят Тя. Тако благословлю Тя в животѣ моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградилася уста глаголющих неправедная.

На утренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебе, мене же прият десница Твоя.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды, без поклонов)*

Господи помилуй *(трижды)*.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол душа́ моя́, и живо́т мой аду прибли́жися. Привмене́н бых с низходя́щими в ров, бых я́ко челове́к без по́мощи, в ме́ртвых свобо́дь, я́ко я́звеннии спя́щии во гробе́, ихже не помяну́л еси́ ктому́, и ти́и от руки́ Твоея́ отрино́вени бы́ша. Положи́ша мя в ро́ве преиспо́днем, в те́мных и се́ни сме́ртней. На мне утверди́ся я́рость Твоя́, и вся во́лны Твоя́ навел еси́ на мя. Уда́лил еси́ зна́емых мои́х от мене́, положи́ша мя ме́рзость се́бе: пре́дан бых и не исхожда́х. О́чи мои́ изнемо́госте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми тво́риши чуде́са? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в поги́бели? Еда́ познана́ бу́дут во тьме чуде́са Твоя́, и пра́вда Твоя́ в землі забвённой? И аз к Тебе́, Го́споди, воззва́х и у́тро моли́тва моя́ предва́рит Тя. Вску́ю, Го́споди, отрееши ду́шу мою́, отвраща́еши лице́ Твое́ от мене́? Нищ есмь аз, и в труде́х от ю́ности моея́; возне́с же ся, смири́хся, и изнемо́гох. На мне преидо́ша гне́ви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х и в но́щи пред Тобо́ю. Да вни́дет пред Тя моли́тва моя́, приклони́ у́хо Твое́ к моле́нию моему́.

Псалом 102

Благослови́, душе́ моя́, Го́спода, и вся вну́тренняя моя́ и́мя свято́е Его́. Благослови́, душе́ моя́, Го́спода, и не забыва́й всех воздая́ний Его́, очища́ющаго вся беззако́ния тво́я, исцеля́ющаго вся недуги́ тво́я, избавля́ющаго от ислёния живо́т твой, венча́ющаго тя ми́лостию и щедро́тами, исполня́ющаго во благо́х желáние твоё: обнови́тся я́ко о́рля ю́ность тво́я. Твори́й ми́лостыни Госпо́дь, и судьбу́ всем оби́димым. Ска́за пути́ Сво́я

Моисе́ови, сыно́вом Изра́иловым хотѣния Своя́: щедр и мѣлостив Господь, долготерпелив и многомѣлостив. Не до конца́ прогне́вается, ниже́ во век вражду́ет, не по беззакони́ем на́шим сотвори́л есть нам, ниже́ по грехо́м на́шим возда́л есть нам. Я́ко по высотѣ небѣсней от земли́, утверди́л есть Господь мѣлость Свою́ на боящихся Его́. Ели́ко отстоя́т восто́цы от запа́д, удали́л есть от нас беззакония́ на́ша. Я́коже ще́дрит отецъ сы́ны, ущѣдри Господь боящихся Его́. Я́ко Той позна́ создание́ на́ше, помяну́, я́ко персть есмь. Чело́век, я́ко трава́ дние его́, я́ко цвет се́льный, та́ко оцветѣ́т, я́ко дух про́йде в нем, и не бу́дет, и не позна́ет ктому́ мѣста своего́. Мѣлость же Господня́ от ве́ка и до ве́ка на боящихся Его́, и пра́вда Его́ на сынѣх сынóв, храня́щих заветъ Его́, и по́мнящих за́поведи Его́ творити́ я. Господь на небеси́ угото́ва престóл Свой, и Ца́рство Его́ все́ми облада́ет. Благослови́те Го́спода вси А́нгели Его́, си́льнии крѣпостию, творя́щи сло́во Его́, услы́шати глас словѣс Его́. Благослови́те Го́спода вся си́лы Его́, слуги́ Его́, творя́щи во́лю Его́. Благослови́те Го́спода вся дела́ Его́, на вся́ком мѣсте влады́чества Его́, благослови́, душе́ моя́, Го́спода.

На вся́ком мѣсте влады́чества Его́, благослови́, душе́ моя́, Го́спода.

Псалом 142

Го́споди, услы́ши моли́тву мою́, внуши́ моле́ние моѣ во исти́не Твое́й, услы́ши мя в пра́вде Твое́й и не вни́ди в суд с рабо́м Твои́м, я́ко не оправди́тся пред Тобо́ю всяк живы́й. Я́ко погна́ враг ду́шу мою́, смири́л есть в зѣмлю живóт мой, посади́л мя есть в те́мных, я́ко ме́ртвья ве́ка. И уны́ во мне дух мой, во мне смяте́ся се́рдце моѣ. Помяну́х дни дрѣвняя, поучи́хся во всех дѣлех Твои́х, в творѣ́ниях руку́ Твое́ю поуча́хся. Возде́х к Тебе́ ру́це мои́, душа́ моя́, я́ко земля́ безводная Тебе́. Ско́ро услы́ши мя, Го́споди, исче́зѣ дух мой, не отврати́ лица́ Твоего́ от мене́, и уподо́блюся низходя́щим в ров. Слы́шану сотвори́ мне за́втра мѣлость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибе́гох. Научи́ мя твори́ти во́лю Твою́, я́ко Ты еси́ Бог мой. Дух Твой благи́й наста́вит мя на зѣмлю пра́ву. Имене́ Твоего́ ра́ди, Го́споди, живи́ши мя, пра́вдою Твое́ю изведе́ши от печа́ли ду́шу мою́. И мѣлостию Твое́ю потреби́ши враги́ моя́ и погуби́ши вся стужа́ющыя души́ моѣй, я́ко аз раб Твой есмь.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Дух Твой Благи́й наста́вит мя на зѣмлю пра́ву.

25 февраля. Среда 1-й недели поста. Свт. Мелетий

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды)*

Ектенія великая

Диакон: Мíром Го́споду помо́лимся.

Лик: Го́споди, помíлуй. *(на каждое прошение)*

Диакон: Заступи́, спаси́, помíлуй и сохрани́ нас, Бо́же, Твое́ю благода́тию.

Лик: Го́споди, помíлуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко́ подоба́ет Тебе́ всякая сла́ва, честь и поклонéние, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Аллилу́ия

Великим же постом с понедельника по пятницу поем:

Диакон: Аллилу́ия, Аллилу́ия, Аллилу́ия.

Диакон: *Стих 1:* От но́щи у́тренюет дух мой к Тебе́, Бо́же, занé свет повелéния Твоя́ на землі.

Лик: Аллилу́ия, Аллилу́ия, Аллилу́ия.

Диакон: *Стих 2:* Пра́вде научíteся живу́щии на землі.

Лик: Аллилу́ия, Аллилу́ия, Аллилу́ия.

Диакон: *Стих 3:* За́висть при́мет лю́ди ненака́занныя.

Лик: Аллилу́ия, Аллилу́ия, Аллилу́ия.

Диакон: *Стих 4:* Приложи́ им зла, Го́споди, приложи́ зла сла́вным землі.

Лик: Аллилу́ия, Аллилу́ия, Аллилу́ия.

И поем Троичные тропари гласа седмицы.

Песни Троичны, глас 4:

Чтец: Умных Твоих слуг приносить смертнии, песнь дерзаяще, глаголем: /

Лик: Свят, Свят, Свят еси, Боже наш. Силою Креста Твоего сохрани нас, Господи.

Чтец: Слава Отцу, и Сыну, и Святому Духу.

Яко чини ныне Ангельстии на Небеси / и стояния страхом человеческая на земли, / победную песнь приносим Ти, Блаже: /

Лик: Свят, Свят, Свят еси, Боже наш, молитвами всех святых Твоих помилуй нас.

Чтец: И ныне, и присно, и во веки веков. Аминь.

Безначального Твоего Отца / и Тебе, Христе Боже, / и Пресвятаго Твоего Духа, / херувимски славословити дерзаяще, глаголем: /

Лик: Свят, Свят, Свят еси, Боже наш, Богородицею помилуй нас.

Лик: Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Кафизма 19

Псалом 134

Хвалите имя Господне, хвалите, рабы Господа, стоящи во храме Господни, во дворах дому Бога нашего. Хвалите Господа, яко благ Господь, пойте имени Его, яко добро: яко Иакова избра Себе Господь, Израиля в достояние Себе. Яко аз познах, яко велий Господь, и Господь наш над всеми боги. Вся елика восхотел Господь, сотвори на небеси и на земли, в морях и во всех безднах. Возводя облаки от последних земли, молнии в дождь сотвори, изводя ветры от сокровищ Своих. Иже порази первенцы Египетския, от человека до скота. Посла знамения и чудеса посреде Тебе, Египте, на фараона и на вся рабы его. Иже порази языки многи и избил царь крепки: Сиона, царя Амореиска, и Ога, царя Васанска, и вся царствия Ханаанска, и даде землю их достояние, достояние Израилю, людем Своим. Господи, имя Твое в век и память Твоя в род и род: яко судити имать Господь людем Своим, и о рабах Своих умолятся. Идоли язык,

сребро́ и зла́то, дела́ рук челове́ческих. Уста́ ѿмут, и не возлага́ют, о́чи ѿмут, и не у́зрят, у́ши ѿмут, и не услы́шат, ниже́ бо есть дух во устѣх их. Подо́бни им да бу́дут творя́щии я́, и вси наде́ющиися на ня. До́ме Изра́и-лев, благослови́те Го́спода, до́ме Ааро́нь, благослови́те Го́спода, до́ме Левии́н, благослови́те Го́спода. Боя́щиися Го́спода, благослови́те Го́спода. Благословѣн Госпо́дь от Сио́на, живы́й во Иерусали́ме.

Псалом 135

Испове́дайтеся Го́сподеви, я́ко благ, я́ко в век ми́лость Его́. Испове́дайтеся Бо́гу бого́в, я́ко в век ми́лость Его́. Испове́дайтеся Го́сподеви господа́ей, я́ко в век ми́лость Его́. Сотво́ршему чудеса́ ве́лия еди́ному, я́ко в век ми́лость Его́. Сотво́ршему небеса́ ра́зумом, я́ко в век ми́лость Его́. Утверди́вшему зе́млю на вода́х, я́ко в век ми́лость Его́. Сотво́ршему свети́ла ве́лия еди́ному, я́ко в век ми́лость Его́. Со́лнце во о́бласть дне, я́ко в век ми́лость Его́. Луну́ и зве́зды во о́бласть но́щи, я́ко в век ми́лость Его́. Порази́вшему Египта с пе́рвенцы его́, я́ко в век ми́лость Его́, и изведе́шему Изра́иля от среды́ их, я́ко в век ми́лость Его́. Руко́ю кре́пкою и мы́шцею вы́сокою, я́ко в век ми́лость Его́. Разде́льшему Чермное́ мо́ре в разделе́ния, я́ко в век ми́лость Его́. И проведе́шему Изра́иля посреде́ его́, я́ко в век ми́лость Его́. И истряс́шему фара́она и си́лу его́ в мо́ре Чермное́, я́ко в век ми́лость Его́. Прове́дшему лю́ди Сво́я в пусты́ни, я́ко в век ми́лость Его́. Порази́вшему ца́ри ве́лия, я́ко в век ми́лость Его́, и убив́шему ца́ри кре́пкия, я́ко в век ми́лость Его́: Сио́на, ца́ря Аморе́йска, я́ко в век ми́лость Его́, и Ога, ца́ря Васанска, я́ко в век ми́лость Его́. И да́вшему зе́млю их досто́яние, я́ко в век ми́лость Его́. Досто́яние Изра́илю, рабу́ Своему́, я́ко в век ми́лость Его́. Я́ко во смире́нии на́шем помяну́ ны Госпо́дь, я́ко в век ми́лость Его́. И избави́л ны есть от враго́в на́ших, я́ко в век ми́лость Его́. Дайи́ пи́щу вся́кой плоти́, я́ко в век ми́лость Его́. Испове́дайтеся Бо́гу небесно́му, я́ко в век ми́лость Его́.

Псалом 136

На река́х Вавило́нских, та́мо седо́хом и пла́кахом, внегда́ помяну́ти нам Сио́на. На ве́рбиих посреде́ его́ обеси́хом орга́ны на́ша. Я́ко та́мо вопро́сиша ны плѣншии нас о словеса́х пе́сней и ве́дшии нас о пе́нии: воспойте нам от пе́сней Сио́нских. Ка́ко воспо́ем песнь Госпо́дню на земли́ чужде́й? А́ще забуду́ тебе́, Иерусали́ме, забвѣна бу́ди десни́ца моя́. Прильпни́ язы́к мой горта́ни моему́, а́ще не помяну́ тебе́, а́ще не предложу́ Иерусали́ма, я́ко в нача́ле весѣлия моего́. Помяни́, Го́споди, сы́ны Едо́мския, в день Иерусали́мль глаго́лющыя: истоща́йте, истоща́йте до основа́ний его́. Дщи Вавило́ня ока́янная, блаже́н и́же возда́ст тебе́ воздая́ние твоѣ, е́же возда́ла еси́ нам. Блаже́н и́же имѣт и разби́ет младе́нцы тво́я о ка́мень.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прісно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помілуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Псалом 137

Испове́мся Тебе́, Го́споди, всем се́рдцем мо́им, и пред А́нгелы воспою́ Тебе́, я́ко услы́шал еси́ вся глаго́лы уст мо́их. Поклоню́ся ко хра́му свято́му Твоему́ и испове́мся и́мени Твоему́ о ми́лости Твое́й и и́стине Твое́й, я́ко возвели́чил еси́ над всем и́мя Твое́ свято́е. Во́ньже а́ще день призову́ Тя, ско́ро услы́ши мя: умно́жиши мя в ду́ши мо́ей си́лою Твое́ю. Да испове́дятся Тебе́, Го́споди, вси ца́рие зе́мсти, я́ко услы́шаша вся глаго́лы уст Тво́их, и да воспою́т в путе́х Госпо́дних, я́ко ве́лия сла́ва Госпо́дня, я́ко вы́со́к Госпо́дь, и смире́нныя призира́ет, и вы́со́кая изда́ле́ча весть. А́ще пойду́ посреде́ ско́рби, живи́ши мя, на гнев враг мо́их просте́рл еси́ руку́ Твою́, и спасе́ мя десни́ца Твоя́. Госпо́дь возда́ст за мя. Го́споди, ми́лость Твоя́ во век, дел руку́ Твое́ю не прѣзри.

Псалом 138

Го́споди, иску́сил мя еси́ и позна́л мя еси́. Ты позна́л еси́ седа́ние моё и воста́ние моё. Ты разумѐл еси́ помышле́ния моя́ изда́ле́ча: стезю́ мою́ и у́же моё Ты еси́ изсле́довал, и вся пу́ти моя́ прови́дел еси́. Я́ко несть льсти в язы́це моём: се, Го́споди, Ты позна́л еси́. Вся последняя́ и дре́вняя: Ты созда́л еси́ мя, и положи́л еси́ на мне ру́ку Твою́. Удиви́ся ра́зум Твой от мене́, утверди́ся, не возмогу́ к нему́. Ка́мо пойду́ от Ду́ха Твоего́? И от лица́ Твоего́ ка́мо бежу́? А́ще взы́ду на не́бо – Ты та́мо еси́, а́ще сніду во ад – та́мо еси́. А́ще возму́ криле́ моё ра́но и вселю́ся в последних мо́ря – и та́мо бо рука́ Твоя́ наста́вит мя и удержи́т мя десни́ца Твоя́. И рех: еда́ тма попере́т мя, и но́щь просвеще́ние в сла́дости мо́ей? Я́ко тма не помра́чится от Тебе́, и но́щь, я́ко день, просвети́тся, я́ко тма ея́, та́ко и свет ея́. Я́ко Ты созда́л еси́ утробы́ моя́, восприя́л мя еси́ из чре́ва ма́тере моея́. Испове́мся Тебе́, я́ко стра́шно удиви́лся еси́: чу́дна дела́ Твоя́, и ду́ша моя́ зна́ет зело́. Не утайся кость моя́ от Тебе́, ю́же сотвори́л еси́ в та́йне, и соста́в мой в преиспо́дних земли́. Несодѐланное моё ви́десте о́чи Тво́и, и в кни́зе Твое́й вси напи́шутся, во днех сози́ждутся и никто́же в них. Мне же зело́ че́стни бы́ша дру́зи Тво́и, Бо́же, зело́ утверди́шася влады́чества их. Изочту́ их, и па́че песка́ умно́жатся; воста́х, и ещѐ есмь с Тобо́ю. А́ще из-

биéши грéшники, Бóже, мýжие кровéй, уклонíteся от менé. Яко ревнÍви естé в помышлénиих, примут в суетý грады Твоя. Не ненави́дящья ли Тя, Гóсподи, возненавÍдех, и о вразéх Твои́х истáях? Совершенною нéна-вистию возненавÍдех я, во врагÍ бы́ша ми. ИскусÍ мя, Бóже, и увéждь сёрдце моé, истяжÍ мя и разумéй стезÍ моя, и виждь, áще путь безза-кóния во мне, и настáви мя на путь вéчен.

Псалом 139

ИзмÍ мя, Гóсподи, от челове́ка лука́ва, от мýжа неправедна изба́ви мя, íже помы́слиша неправду в сёрдце, весь день ополча́ху бра́ни, изо-стри́ша язы́к свой, я́ко зми́н, яд а́спидов под устна́ми их. СохранÍ мя, Гóсподи, из рукÍ грéшници, от человек неправедных измÍ мя, íже помы́-слиша запя́ти стопы́ моя. Скры́ша го́рдии сеть мне, и у́жы препя́ша сеть нога́ма мо́йма. При стезÍ собла́зны положи́ша ми. Рех Гóсподеви: Бог мой есÍ Ты, внуши́, Гóсподи, глас молéния моего́. Гóсподи, Гóсподи, си́ло спа-сéния моего́, осенíл есÍ над главо́ю моёю в день бра́ни. Не преда́ждь ме-нé, Гóсподи, от желáния моего́ грéшнику: помы́слиша на мя, не оста́ви ме-нé, да не когда́ вознесу́тся. Глава́ окру́жения их, труд устéн их покрýет я. Паду́т на них у́гля о́гненная, низложи́ши я в страстéх, и не постоя́т. Муж язы́чен не испра́вится на земли́: мýжа неправедна злáя уловя́т во ис-тлéние. Позна́х, я́ко сотвори́т Госпо́дь суд ни́щым и месть убо́гим. Обáче пра́веднии испове́дятся íмени Твоему́, и вселя́тся пра́вии с лицéм Твои́м.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прÍсно, и во вéки веко́в. Ами́нь. Аллилúиа, аллилúиа, аллилúиа, сла́ва Тебе́ Бóже. **(Трижды)** Гóсподи, помíлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прÍсно, и во вéки веко́в. Ами́нь.

Псалом 140

Гóсподи, воззва́х к Тебе́, услы́ши мя: вонми́ гласу молéния моего́, внегда́ воззва́ти ми к Тебе́. Да испра́вится моли́тва моя, я́ко кади́ло пред Тобо́ю, воздея́ние руку́ моёю – жéртва вечерняя. Положи́, Гóсподи, хранéние усто́м мо́им, и дверь огра́ждéния о устна́х мо́их. Не уклони́ сёрдце моé в словеса́ лука́вствия, непщевáти вины́ о гресéх, с челове́ки де́лающими беззакóние, и не сочту́ся со избрáнными их. Накáжет мя пра́ведник мило-стию и обличíт мя, елéй же грéшнаго да не нама́стит главы́ моея́, я́ко ещé и моли́тва моя́ во благоволенíих их. Пожéрты бы́ша при ка́мени суди́й их: услы́шатся глаго́ли мо́и, я́ко возмо́гоша. Я́ко то́лща земли́ просéдeся на

земли, расточишася кости их при аде. Яко к Тебе, Господи, Господи, очи мои: на Тя уповах, не отыми душу мою. Сохрани мя от сети, юже составиша ми, и от соблазна делающих беззаконие. Падут во мрежу свою грешницы: един есмь аз, дондеже преиду.

Псалом 141

Гласом моим ко Господу возвах, гласом моим ко Господу помолихся. Пролию пред Ним моление мое, печаль мою пред Ним возвещу. Внегда исчезати от мене духу моему: и Ты познал еси стези моя: на пути сем, по немуже хождях, скрisha сеть мне. Смотрях одесную и взглядах, и не безнаяй мене: погйбе бегство от мене, и несть взыскайя душу мою. Возвах к Тебе, Господи, рех: Ты еси упование мое, часть моя еси на земли живых. Вонми молению моему, яко смирихся зело, избави мя от гонящих мя, яко укрепishася паче мене. Изведи из темницы душу мою, исповеда- тия имени Твоему. Мене ждут праведницы, дондеже воздаси мне.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобю всяк живый. Яко погна враг душу мою, смирил есть в землю живот мой, посадил мя есть в темных, яко мертвья века. И уни во мне дух мой, во мне смятеса сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Чтец: Слава Отцу и Сыну и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Седален по 1-ом стихословии

Искупил ны еси от клятвы законныя, честною Твоею Кровию, на Кресте пригвоздився, и копием прободься, безсмертие источил еси человеком, Спасе наш, слава Тебе.

Стих: Возносите Господа Бога нашего, и поклоняйтесь подножию ногу Его, яко свято есть.

Скоро предвари, прежде даже не поработимся врагом хулящим Тя, и претящим нам, Христе Боже наш. Погуби Крестом Твоим борющия нас, да уразумеют, како может православных вера, молитвами Богородицы, едины Человеколюбче.

Припев: Дивен Бог во святых Своих, / Бог Израилев.

Мученицы Твой, Господи, во страданиях своих венцы прияша нетленные от Тебе, Бога нашего: имуще бо крепость Твою, мучителей низложиша, сокрушиша и демонов немощныя дерзости. Тех молитвами, спаси души наша.

Слава Отцу, и Сыну, и Святому Духу, и ныне, и присно, и во веки веков. Аминь.

Дева Пренепорочная, Мати Христа Бога, оружие пройде Твою пресвятую душу, егда распинаема видела еси волю Сына и Бога Твоего: Егоже, Благословенная, молящи не претай, прощение прегрешений нам даровати.

Лик: Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Кафизма 20

Псалом 143

Благословен Господь Бог мой, научаяй рuce мой на ополчение, персты моя на брань. Милость моя и прибежище мое, Заступник мой и Избавитель мой, Защититель мой, и на Него уповах: повинуйя люди моя под мя. Господи, что есть человек, яко познался еси ему? Или сын человекъ, яко вменяеши его? Человек суете уподобися: дние его яко сень преходят. Господи, приклони небеса, и сниди, коснися горам, и воздымятся. Блесни молнию, и разженеши я, послй стрелы Твоя, и смятеши я. Послй руку Твою с высоты, изми мя и избави мя от вод многих, из руки сынов чуждых, ихже уста глаголаша суету, и десница их – десница неправды. Боже, песнь нову воспою Тебе, во псалтири десятиструннем пою Тебе, дающему спасение царем, избавляющему Давида, раба Своего, от меча люта. Избави мя, и изми мя из руки сынов чуждых, ихже уста глаголаша суету, и десница их – десница неправды. Ихже сынове их яко новосаждения во-

дружѣнная в юности своей. Дщѣри их удобрены, преукрашены, яко подобие храма. Хранилища их исполнена, отрыгающая от сего в сие, овцы их многоплодны, множащияся во исходищах своих, волове их толсти. Несть падения плоту, ниже прохода, ниже вопля в стогнах их. Ублажиша люди, имже сия суть. Блажени людие, имже Господь Бог их.

Псалом 144

Вознесу Тя, Боже мой, Царю мой, и благословлю имя Твое в век и в век века. На всяк день благословлю Тя и восхваляю имя Твое в век и в век века. Велий Господь и хвален зело, и величию Его несть конца. Род и род восхвалят дела Твоя и силу Твою возвестят. Великолепие славы святыни Твоея возглаголют и чудеса Твоя поведают. И силу страшных Твоих рекут и величие Твое поведают. Память множества благодости Твоея отрыгнут и правдою Твоею возрадуются. Щедр и милостив Господь, Долготерпелив и Многомилостив. Благ Господь всяческим, и щедроты Его на всех делах Его. Да исповедятся Тебе, Господи, вся дела Твоя, и преподобнии Твои да благословят Тя. Славу Царствия Твоего рекут, и силу Твою возглаголют, сказати сыновом человеческим силу Твою, и славу великолепия Царствия Твоего. Утверждает Господь вся низпадающия и возставляет вся низверженныя. Очи всех на Тя уповают, и Ты даеши им пищу во благовремени. Отверзаеши Ты руку Твою и исполняеши всякое животно благоволения. Праведен Господь во всех путех Своих и преподобен во всех делах Своих. Близ Господь всем призывающим Его, всем призывающим Его во истине. Волю боящихся Его сотворит и молитву их услышит и спасет я. Хранит Господь вся любящия Его и вся грешники потребит. Хвалу Господню возглаголют уста моя, и да благословит всяка плоть имя святое Его в век и в век века.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 145

Хвали, душе моя, Господа. Восхваляю Господа в животѣ моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою. В той день погибнут вся помышления его. Блажен, емуже Бог Иаковль помощ-

ник его́, упова́ние его́ на Го́спода Бо́га свое́го, сотво́ршаго не́бо и зе́млю, мо́ре и вся, я́же в них, храня́щаго и́стину в век, творя́щаго суд оби́димым, даю́щаго пи́щу алчу́щим. Госпо́дь решит оковáнные. Госпо́дь умудря́ет слепцы́. Госпо́дь возводит низве́рженные. Госпо́дь лю́бит пра́ведники. Госпо́дь хранит пришельцы́, си́ра и вдову́ примет и путь грéшных погуби́т. Воцари́тся Госпо́дь во век, Бог твой, Си́оне, в род и род.

Псалом 146

Хвалите Го́спода, я́ко благ псалом. Бо́гови нашему́ да услади́тся хвалéние. Зи́ждай Иерусали́ма Госпо́дь, разсе́яния Изра́илева собере́т. Исцеля́й сокруше́нные се́рдцем и обяза́й сокруше́ния их. Исчита́й мно́жество звезд и всем им имена́ нарица́й. Вéлий Госпо́дь наш, и вéлия крéпость Его́, и ра́зума Его́ несть числа́, Приёмляй кро́ткия Госпо́дь, смиря́й же грéшники до земли́. Начните Го́сподеву́ в испове́дании, пойте Бо́гови нашему́ в гуслех. Одева́ющему не́бо о́блаки, уготовля́ющему земли́ дождь, прозяба́ющему на гора́х траву́ и злак на службу́ челове́ком, даю́щему ското́м пи́щу их, и птенце́м врановым призыва́ющим Его́. Не в си́ле ко́нстей восхо́щет, ниже́ в ли́стех му́жеских благоволи́т. Благоволи́т Госпо́дь в боя́щихся Его́ и во упова́ющих на ми́лость Его́.

Псалом 147

Похвали́, Иерусали́ме, Го́спода, хвали́ Бо́га Твое́го, Си́оне, я́ко укрепí вверей врат Тво́их, благослови́ сы́ны твоя́ в тебе́. Полага́й преде́лы Твоя́ мир, и ту́ка пшени́чна насыща́й тя. Посыла́й сло́во Своё земли́, до ско́рости течёт сло́во Его́, даю́щаго снег Свой, я́ко во́лну, мглу́, я́ко пéпел, посыпа́ющаго, метáющаго го́лоть Свой, я́ко хле́бы. Проти́ву лица́ мра́за Его́ кто постои́т? По́слет Сло́во Своё, и иста́ет я́, дхнет Дух Его́, и потеку́т во́ды. Возвеща́й сло́во Своё Иа́кову, оправда́ния и судьбы́ Своя́ Изра́илеви. Не сотвори́ тако́ всякому́ язы́ку, и судьбы́ Своя́ не яви́ им.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прíсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помíлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прíсно, и во ве́ки веко́в. Ами́нь.

Псалом 148

Хвалите Го́спода с небес, хвалите Его́ в вы́шних. Хвалите Его́, вси А́нгели Его́, хвалите Его́, вся си́лы Его́. Хвалите Его́, со́лнце и луна́, хвалите Его́, вся звёзды́ и свет. Хвалите Его́ небеса́ небес и вода́, я́же превы́ше небес.

Да восхва́лят и́мя Господне: яко Той рече́, и бы́ша, Той повеле́, и созда́шася. Поста́ви я́ в век и в век ве́ка, повеление́ положи́, и не мимо́ идет. Хвалите́ Го́спода от земли́, змие́ве и вся бѣздны: огонь, град, снег, го́лоть, дух бу́рен, творя́щая сло́во Его́, го́ры и вси хо́лми, древа́ плодоно́сна и вси ке́дри, зве́рие и вси ско́ти, га́ди и пти́цы перна́ты. Ца́рие зѣмстии и вси лю́дие, князи и вси судий зѣмстии, ю́ноши и де́вы, ста́рцы с ю́нотами да восхва́лят и́мя Господне, яко́ вознесе́ся и́мя Того́ еди́наго, испове́дание Его́ на земли́ и на небеси́. И вознесѣт рог люде́й Свои́х, песнь всем преподо́бным Его́, сыновомъ Изра́илевым, лю́дем, приближа́ющимся Ему́.

Псалом 149

Воспойте Го́сподеви песнь но́ву, хваление́ Его́ в це́ркви преподо́бных. Да возвеселится́ Изра́иль о Сотворше́м его́, и сы́нове Сио́ни возра́дуются о Царе́ своемъ. Да восхва́лят и́мя Его́ в лице́, в тимпа́не и псалти́ри да пою́т Ему́. Яко́ благово́лит Господь в лю́дех Свои́х, и вознесѣт кро́ткия во спасе́ние. Восхва́лятся преподо́бнии во сла́ве и возра́дуются на ло́жах свои́х. Возноше́ния Бо́жия в гортани́ их, и мечи́ обою́ду остры́ в рукахъ их: сотвори́ти отмще́ние во язы́цах, обличе́ния в лю́дех, связа́ти ца́ри их пу́ты, и сла́вныя их ручны́ми око́вы желе́зными, сотвори́ти в них суд на́писан. Сла́ва сия́ бу́дет всем преподо́бным Его́.

Псалом 150

Хвалите́ Бо́га во святы́х Его́, хвалите́ Его́ во утвержде́нии си́лы Его́. Хвалите́ Его́ на си́лах Его́, хвалите́ Его́ по мно́жеству вели́чества́ Его́. Хвалите́ Его́ во гласе́ тру́бнем, хвалите́ Его́ во псалти́ри и гу́слех. Хвалите́ Его́ в тимпа́не и ли́це, хвалите́ Его́ во стру́нах и орга́не. Хвалите́ Его́ в кимва́лех доброгласныхъ, хвалите́ Его́ в кимва́лех восклицания́. Вся́кое ды́хание да хва́лит Го́спода.

Чтец: Сла́ва Отцу́ и Сы́ну и Свято́му Ду́ху, и ны́не и прѣсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Седален по 2-ом стихословии

Страстьми́ Твои́ми всем безстра́стие да́вый, Человеколю́бче, стра́сти плоти́ моея́ умертви́в Твои́м Кресто́м: Божественную сподо́би Стра́сть ви́дети, постомъ благоугожда́юща сла́ве Твое́й, да приму́ богáтно ве́лию ми́лость.

Сла́ва Отцу́, и Сы́ну, и Свято́му Ду́ху.

Страстьми́ Твои́ми всем безстра́стие да́вый, Человеколю́бче, стра́сти плоти́ моея́ умертви́в Твои́м Кресто́м: Божественную сподо́би Стра́сть

видети, постом благоугождающа славе Твоей, да приму богато велию милость.

И ныне, и присно, и во веки веков. Аминь.

Дева и Мати Твоя, Христэ, на древе зрящи Тя мертва простерта, плачущи горько. Сыне Мой, глаголаше, что страшное сие таинство, всем даруяй живот вечный, волею на Кресте како умираеши смертию поносною?

Лик: Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Кафизма 1

Псалом 1

Блажен муж, иже не иде на совет нечестивых и на пути грешных не ста, и на седалищи губителей не седе, но в законе Господни воля его, и в законе Его поучится день и ночь. И будет яко древо насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. Не тако нечестивии, не тако, но яко прах, егоже возметает ветр от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

Псалом 2

Вскую шаташася языцы, и людие поучишася тщетным? Предсташа царие земсти, и князи собращася вкупе на Господа и на Христа Его. Расторгнем узы их и отвержем от нас иго их. Живый на Небесех посмеется им, и Господь поругается им. Тогда возглаголет к ним гневом своим и яростию Своею смятет я. Аз же поставлен есмь Царь от Него над Сионом, горою святою Его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достояние Твое, и одержание Твое концы земли. Упасеши я жезлом железным, яко сосуды скудельничии сокрушиши я. И ныне, царие, разумейте, накажитесь вси судящии земли. Работайте Господеви со страхом и радуйтесь Ему с трепетом. Примите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющиися Нань.

Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 4

Внегда призвати ми, услыша мя Бог правды моея, в скорби распространил мя еси, ущедри мя и услыши молитву мою. Сынове человечести, доколе тяжкосердии? Вскую любите суету и ищете лжи? И уведите, яко удивил Господь преподобнаго Своего: Господь услышит мя, внегда звати ми к Нему. Гневайтесь, и не согрешайте, яже глаголете в сердцах ваших, на ложах ваших умилитесь. Пожрите жертву правды и уповайте на Господа. Мнози глаголют: кто явит нам благая? Знаменася на нас свет лица Твоего, Господи. Дал еси веселие в сердце моем: от плода пшеницы, вина и елея своего умножишася. В мире вкупе усну и почию, яко Ты, Господи, единого на уповании вселил мя еси.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуя, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству не-

честия их изрѣни я, яко преогорчиша Тя, Господи. И да возвеселятся вси уповающе на Тя, во век возрадуются, и вселѣшися в них, и похвалятся о Тебѣ любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 6

Господи, да не яростию Твоею обличиши мене, ниже гневом Твоим накажешу мене. Помилуй мя, Господи, яко немощен есмь, исцели мя, Господи, яко смятѣшася кости моя. И душа моя смятѣся зело: и Ты, Господи, доколе? Обратися, Господи, избави душу мою: спаси мя ради милости Твоея. Яко несть в смерти поминаяй Тебѣ: во аде же кто исповѣстся Тебѣ? Утрудихся воздыханием моим, измѣю на всяку ночь ложе мое, слезами моими постелю мою омочу. Смятѣся от ярости око мое, обетшах во всех вразех моих. Отступите от мене, вси делающии беззаконие, яко услыша Господь глас плача моего: услыша Господь моление мое, Господь молитву мою прият. Да постыдятся и смятутся вси врази мои, да возвратятся и устыдятся зело вскоре.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебѣ Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 7

Господи Боже мой, на Тя уповах, спаси мя от всех гонящих мя и избави мя: да не когда похитит яко лев душу мою, не сущу избавляющую, ниже спасающую. Господи Боже мой, аще сотворих сие, аще есть неправда в руку мою, аще воздах воздающим ми зла, да отпаду убо от враг моих тощ. Да поженет убо враг душу мою и да постигнет, и поперет в землю живот мой, и славу мою в персть вселит. Воскресни, Господи, гневом Твоим, вознесися в концах враг Твоих, и востани, Господи Боже мой, повелением, имже заповѣдал еси. И сонм людей обыдет Тя, и о том на высоту обратися. Господь судит людем: суди ми, Господи, по правде моей, и по незлобе моей на мя. Да скончается злоба грешных, и исправиши праведнаго, испытаяй сердца и утробы, Боже, праведно. Помощь моя от Бога, спасающаго правыя сердцем. Бог судитель праведен и крепок, и долготерпелив, и не гнев наводяй на всяк день. Аще не обратится, оружие Свое очистит, лук Свой напряжет и уготова и и в нем уготова сосуды

смѣртныя, стрѣлы Своя сгараемым содела. Се болѣ неправдою, зачат болѣзнь, и роди беззаконие: ров изры, и ископа и, и падѣт в яму, юже содела. Обратится болѣзнь его на главу его, и на верх его неправда его снідет. Исповѣмся Господеви по правде Его и пою имени Господа Вышняго.

Псалом 8

Господи, Господь наш, яко чудно имя Твое по всей земли, яко взятся великолѣпие Твое превыше небес. Из уст младенец и ссущих совершил еси хвалу, враг Твоих ради, еже разрушити врага и мѣстника. Яко узрю небеса, дела перст Твоих, луну и звезды, яже Ты основал еси. Что есть человек, яко помниши его? или сын человек, яко посещаети его? Умалил еси его малым чим от ангел, славою и честию венчал еси его. И поставил еси его над делы руку Твоею, вся покорил еси под нозе его. Овцы и волы вся, еще же и скоты польскія, птицы небесныя, и рыбы морскія, переходящія стези морскія. Господи, Господь наш, яко чудно имя Твое по всей земли.

Чтец: Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. *(Трижды)*. Господи, помилуй. *(Трижды)*

И седален по 3-ом стихословии.

Светотворное время, егже ныне освятил еси, и даровал еси нам воздержания, Господи, Ты сподоби нас во умилении всех чисте преити мирствующим, Креста крепостию, еди́не Человеколю́бче.

Слава Отцу, и Сыну, и Святому Духу.

Светотворное время, егже ныне освятил еси, и даровал еси нам воздержания, Господи, Ты сподоби нас во умилении всех чисте преити мирствующим, Креста крепостию, еди́не Человеколю́бче.

И ныне, и присно, и во веки веков. Аминь.

Честным Крестом Сына Твоего сохраняеми, Владычице Чистая Богородице, всякий прилог борителя вси удобно низлагаем. Темже Тя по долгу ублажаем, яко Матерь Света, еди́ну надежду душ наших.

Лик: Господи, помилуй. *(Трижды)* Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 50

Помилуй мя, Бóже, по велицей мило́сти Твое́й, и по мно́жеству щедро́т Твои́х очисти беззако́ние моё. Наипа́че омый мя от беззако́ния моего́, и от греха́ моего́ очисти мя. Яко́ беззако́ние моё аз зна́ю и грех мой предо мно́ю есть ви́ну. Тебе́ Еди́ному согреших, и лука́вое пред Тобо́ю сотвори́х, яко́ да оправди́шия во словесе́х Твои́х и победи́ши, внегда́ суди́ти Ти. Се бо в беззако́нних зача́т есмь, и во гресе́х роди́ мя ма́ти моя́. Се бо и́стину возлюбил еси́, безвѣстная и та́йная премудрости Твоея́ явил ми еси́. Окропи́ши мя иссо́пом, и очи́щуся, омыеши мя, и па́че сне́га убелю́ся. Слу́ху моему́ да́си ра́дость и весе́лие, возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очисти. Сёрдце чи́сто сози́жди во мне, Бóже, и дух прав обнови́ во утробе́ мое́й. Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратят́ся. Избави́ мя от крове́й, Бóже, Бóже спасе́ния моего́, возра́дуется язы́к мой правде́ Твое́й. Го́споди, устне́ мои́ отвѣрзеши, и уста́ моя́ возвестят хвалу́ Твою́. Яко́ а́ще бы восхотѣл еси́ жѣртвы, дал бых у́бо, всесо́жже́ния не благоволи́ши. Жѣртва Бо́гу дух сокруше́н, сёрдце сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́ждутся стѣны́ Иерусали́мския. Тогда́ благоволи́ши жѣртву правды́, возноше́ние и всесо́жега́емая: тогда́ возложат на олта́рь Твой тельца́.

Диакон: Спаси́, Бóже, лю́ди Твоя́ и благослови́ досто́яние Твое́...

Лик: Го́споди, помилуй *(12 раз)*.

Священник: Мило́стию и щедро́тами...

Лик: Ами́нь.

Канон

Песнь 1

Кано́н святи́теля Мелетия. Глас 8. На 5.

Ирмос, глас 8: Колесницегонителя́ фарао́ня погрузи́,/ чудотвори́й иногда́/ Моисе́йский жезл, крестообра́зно порази́в/ и раздели́в мо́ре,/ Изра́иля же, беглеца́, пешехо́дца спасе́, // песнь Бо́гови воспева́юща.

Лик: Стих, на 4: Господь, царствуяй веки, и на век, и еще, егда вниде конь фараонов с колесницами и всадники в море.

Чтец: Светодавцу предстоя весь светел,/ светом разума омраченное око души моея просвети/ и мглу отжени страстей твоими молитвами,/ яко святитель бо, преподобне, имаши дерзновение, Мелетие.

Стих: И наведе на ня Господь воду морскую, сынове же Израилевы проидоша сушею посреде моря.

В недрах Отца седяй,/ Соприсносущное и Соестественное Слово рождшему,/ проповедника Своего Божества поставляет един, яко апостолом единойравна ты ныне,/ о Богоявленне Мелетие.

Слава Отцу, и Сыну, и Святому Духу.

Божественным просветився сиянием,/ от Безначальнаго Отца единородна Слова, несозданна, вечна, Богословил еси, преподобне,/ Ариевы же поборники единомысленныя разнал еси,/ Божественным всеоружием ограждаемь.

И ныне, и присно, и во веки веков. Аминь.

Богородичен: Воплощеннаго, Пресвятая, родила еси, прежде безплотнаго, Богочальнаго Слова:/ Едина бо от века лучами чистоты,/ девства же добротой/ и всенепорочными дарованиями была еси достойна, Всенепорочная.

Песнь 3

Лик: Стих: Утвердися сердце мое во Господе, вознесся рог мой о Боже моем, расширися уста моя на враги моя, возвеселихся о спасении Твоем.

Стих: Яко несть свят, яко Господь, и несть праведен, яко Бог наш, и несть свят, паче Тебе.

Стих: Не хвалитесь и не глаголите высокая в гордыни, ниже да изидет велеречие из уст ваших.

Стих: Яко Бог разумов Господь, и Бог, уготовляяй начинания Своя.

Стих, на 14: Лук сильных изнеможе и немощствующии препоясашася силою.

Канон святителя Мелетия. Глас 8. На 6.

Ирмос, глас 8: Утверждей в начале Небеса разумом/ и землю на водах основавый,/ на камени мя, Христе, заповедей Твоих утверди, // яко несть свят, паче Тебе, Едине Человеколюбче.

Стих: Исполнению хлебов лишшася, и алчущии пришельствоваша землю.

Чтец: Твердейшу душу адаманта имей, / гнилое ересей мнение ты, учеными благочестия просвещься, всеблаженне, оплевал еси. / Темже, вернии, ты вси песньми, Богомудре, почитаем.

Стих: Яко неплоды роди седьмь, и многая в чадех изнеможе.

Твердейшу душу адаманта имей, / гнилое ересей мнение ты, учеными благочестия просвещься, всеблаженне, оплевал еси. / Темже, вернии, ты вси песньми, Богомудре, почитаем.

Стих: Господь мертвит и живит, низводит во ад и возводит.

Уподобився добродетельми Христовым апостолом, / оных власть и престол наследовал еси явственно, Мелетие всеславне, / православия столп и благочестия поборниче быв.

Стих: Господь убожит и богатит, смиряет и вьсит, возставляет от земли убога и от гноища воздвизает нища.

Всыновлён Бóгу,/ иже от Бóга Бóга Сло́ва не низвёл еси́ в тварь безúмно,/ но просла́вил еси́, Отцу́ Собезнача́льна и Сопресто́льна,/ Содéтеля и Зижди́теля всех веко́в, Богоприятне.

Стих: Посади́те его́ с мо́гущими люде́й и престóл сла́вы насле́дуя ему́.

Богородичен: В Твою́ святу́ю Бог утробу всели́вся,/ воплоти́ся, я́коже весть, Богома́ти,/ и спасе́ нас живонóсными Свои́ми страстьми́,/ Тёмже Ты спасéния дверь, Дéво, знаём.

Стих, на 8: Дайи́ моли́тву моля́щемуся и благослови́ лéта пра́веднаго.

Трипéснец в сре́ду 1-й седми́цы. Глас 2. На 4.

Распнём úды воздержанием, трезви́мся в моли́твах, я́коже пи́сано есть, и по следу́ жителъствуим Пострада́вшаго, и стра́сти Умертви́вшаго.

Стих: Я́ко не укрепля́ется си́лен муж крéпостию своéю, Госпо́дь немо́щна сотвори́ супоста́та Его́, Госпо́дь Свят.

Изблева́вше го́рький грех, потщи́мся во́лею желчь вкуси́вшему угоди́ти Христу́, Кресто́м низложившу злонача́льника.

Стих: Да не хва́лится премúдрый премúдростию своéю, и да не хва́лится си́льный си́лою своéю, и да не хва́лится богáтый богáтством свои́м.

Обы́чай взем грех, влечёт мя во всеконéчную па́губу: но Ты мя от сея́ изба́ви Кресто́м Твои́м, Ще́дре Многоми́лостиве.

Стих: Но о сем да хва́лится хваля́йся, е́же разумéти и знáти Го́спода и твори́ти суд и пра́вду посреде́ земли́.

Богородичен: Влады́чествующая все́ми тва́рьми Влады́чице: я́ко Влады́ку ро́ждши, рабо́ты мя свободи́ льсти́ваго, и еди́наго борца́.

Стих, на 4: Госпо́дь взы́де на Небеса́ и возгреме́, Той сýдит концéм земли́, пра́веден Сый.

Ин трипéснец в сре́ду 1-й седми́цы. Глас 2. На 4.

Древо крестное воздержаніе міру процветэ: еже любóвию облобызавше, насладимся всеплодіа Божественных заповедей Христовых.

Стих: И даст крепость царю нашему, и вознесёт рог Христа Своего.

Воздержаніе страстей и ныне носяще, плоть распнём Господеви, и мертвою тоя мудрованіе покажем вси Божественной жизни.

Лик: Слава Отцу, и Сыну, и Святому Духу.

Троичен: Три Лица Единого Зрака славлю, Отца, Сына и Духа, Едину Державу Божества, Царство всех, и светлость.

Лик: И ныне, и присно, и во веки веков. Аминь.

Богородичен: Рождество Твое, Чистая, страшно бысть: Бог бо есть вочеловечивыйся, безначально из Отца родивыйся, и из Тебе напоследок кроме мужа рождся.

Припев: Слава Тебе, Боже наш, слава Тебе.

Распятіе пою, и прободение Божественных ребр Твоих, из нихже питие безсмертное черплю всегда, Христе, и освящаюся.

Катавасия

Ирмос, глас 2: Утверди нас в Тебе, Господи, / древом умерщвлей грех, / и страх Твой всади // в сердца нас, поющих Тя.

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Лик: Тебѣ, Гóсподи.

Священник: Яко Ты еси Бог наш, и Тебѣ славу воссылаем, Отцѹ и Сыну, и Святому Духу, ныне и присно, и во веки веков.

Лик: Амѣнь.

Седальны

Поучився день же и ночь в законѣ Господни, óтче мѹдре,/ яко древо плодовито, на водах духовных насаждено, явился еси;/ Тѣмже, священствовав Богу непорочно,/ Ариева хуления и Савѣллиева злославнаго нрава яве возгнушався,/ православною мѣслию, святителю Мелетие,/ моли Христа Бóга грехов оставление даровати/ празднующим любовь святую память твою.

Слава Отцѹ, и Сыну, и Святому Духу, и ныне, и присно, и во веки веков. Амѣнь.

Агнца, и Пастыря, и Избавителя/ Агница зрящи на Крестѣ, восклицаше, плачущи/ и, горько рыдающе, вопияше:/ мир ўбо радуется, приѣмляй Тобою избавление,/ утроба же Моя горит, зрящи Твое распятие, еже терпиши за милосердие милости./ Долготерпеливе Гóсподи, милости бездно и источниче неизчерпаемый,/ умилосердися и даруй согрешений оставление/ верою поющим Божественныя страсти Твоя.

Песнь 4

Канон святителя Мелетия. Глас 8. На 5.

Ирмос, глас 8: Ты моя крепость, Гóсподи,/ Ты моя и сила,/ Ты мой Бог, Ты мое радование,/ не оставль недра Отца/ и нашу нищету посетив./ Тем с пророком Аввакумом зову Ти:// силе Твоей слава, Человеколюбче.

Лик: Стих, на 4: Господь Бог мой – сила моя и учинит нозе мой на совершение.

Чтец: Явственнo, священнотайниче, преизяществовав, Петра престол наследовал еси верховнаго,/ от Христа рукоположеннаго,/ егóже и нраву поревновав,/ Сына Бóга живаго Спаса прославил еси,/ учением Онаго следуя.

Лик: Стих: И на высокая возводит мя, победити ми в песни Его.

Всеразличными украшен дарованиями, единоначалия проповедник был еси, / во Отце и Единородном Слове познаваемого и Божественном Дусе, всеумдре, / Единицу убо существом, в Трех Лицах сущу, / научил еси, преподабне.

Лик: Слава Отцу, и Сыну, и Святому Духу.

Воспитався добротами, Богоученне, и зарею тоя воображаемь, / и просветився Божественными блистаньями по причастию, / церкви свет вторый был еси, Богоявленне, / просвещение благочестия являя верою притекающим.

Лик: И ныне, и присно, и во веки веков. Аминь.

Да образ, погребенный страстьми, взыщещи богатством благодости, / в Девическую вселился еси утробу / и из неяже Ты, Премудрость Божия, храм создал еси, / имже пожил еси с человеки, Щедре, / и спасл еси мира концы.

Песнь 5

Канон святителя Мелетия. Глас 8. На 5.

Ирмос, глас 8: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго? / но обрати мя и к свету заповедей Твоих // пути моя направи, молюся.

Лик: Стих, на 4: Воскреснут мертвии, и востанут, иже во гробех, и возвеселятся, иже на земли.

Чтец: Жирующе безместно всякой ереси, злодемонстей, / превшел еси, отче, благородием души, / и светлостью, и всесвятим нравом, и твердым благочестием, / Богоявленне преблаженне Мелетие.

Лик: Стих: Роса бо, яже от Тебе, исцеление им есть, земля же нечестивых падет.

Всяким усърдием Ариевы единомудренники отвращая,/ Православною верою, Богоносе, державу утвердил еси/ в Троице Единого Бога нам проповедуя,/ всеблаженне отче Мелетие.

Лик: Слава Отцу, и Сыну, и Святому Духу.

Пребожественная Троицы тайник был еси всеистиннейший,/ Отцу Слово Единосущно чествуя и сопредельно/ и Божественный Дух, единороден Отцу и Слово,/ всечестный отче Мелетие.

Лик: И ныне, и присно, и во веки веков. Аминь.

Богинства вышних, Всечистая, сил Тя ублажают,/ родове же вси человечести достойно славят,/ Тебе бо ради единыя, сущи на земли, с Небесными совокупльшися,/ поют, Дево Рождество Твое.

Песнь 6

Лик: Стих, на 4: Хранящи суетная и ложная милость свою оставиша.

Канон святителя Мелетия. Глас 8. На 4.

Чтец: Изсушил еси потоки, Богомудре, еретическая,/ отверзл же еси источники догматов правости,/ непобедим поборник Православия быв, Богоблаженне.

Лик: Стих: Аз же со гласом хваления и исповедания пожру Тебе: елика обещах, воздам Тебе во спасение мое, Господеву.

Изсушив мутный Ариев ток и безбожный,/ напоил еси богато благодатными водами верных соборы/ и церковное благолепие украсил еси.

Лик: Слава Отцу, и Сыну, и Святому Духу.

Живый подобно Божественными начинаниями,/ был еси пресветел, отче, делатель,/ неуклонно забрало благочестия и пастырей наставник.

Лик: И ныне, и присно, и во веки веков. Аминь.

Просвещают души православно поющих Тя речения пророческая,/ Твое провозвещающе пречистое зачатие/ и еже выше Слова, Богоневесто, Твое Рождество.

Катавасия

Ирмос, глас 8: Очи́сти мя, Спа́се,/ мно́га бо беззако́ния моя́/
и из глублины́ зол возведи́, молю́ся:/ к Тебе́ бо возопи́х, и
услы́ши мя,// Бо́же спасе́ния моего́.

Малая ектения

Диакон: Па́ки и па́ки ми́ром Го́споду помóлимся.

Лик: Го́споди, помíлуй.

Диакон: Заступи́, спаси́, помíлуй и сохрани́ нас, Бо́же, Твоею́ благода́тию.

Лик: Го́споди, помíлуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на-
шу Богоро́дицу и Присноде́ву Мари́ю, со все́ми святы́ми помяну́вше, са́ми себе́
и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Ты бо еси́ Царь ми́ра, и Спас душ на́ших, и Тебе́ сла́ву возсы-
ла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Амíнь.

Кондак

Кондак свт. Мелетия, архиепископа Антиохийского, глас 6

Духо́внаго твоего́ дерзнове́ния убо́явся,/ отсту́пник бе́гает Македо́нии,/ моли́твенное же служе́ние соверша́юще, твой раба́,/ любо́вию притека́ем,/ А́нгелом собесе́днице, Мелетие,/ о́гненный мечу́ Христа́ Бо́га на́шего,/ вся безбо́жныя закала́яй:/ воспева́ем тя, свети́льника, просвети́вшего вся.

Песнь 7

Канон святителя Мелетия. Глас 8. На 5.

Ирмос, глас 8: Бо́жия снизхожде́ния/ огонь устыде́ся в
Вавило́не иногда́,/ сегó ра́ди о́троцы в пещи́ ра́дованною
ного́ю,/ я́ко во цвѣтнице, ликую́ще, по́яху:// благослове́н
еси́, Бо́же оте́ц на́ших.

Лик: Стих, на 4: Благословѣн еси на престолѣ славы Царствия Твоего, препѣтый и превозносимый во веки.

Чтец: Святѣй ты соборъ первостоятеля имяше, Богоприятне,/ егѡже Святѣй Дух от концѣ во еди́но собра́,/ песнословящия Того́ Божество́:/ благословѣн еси́, Бѡже отецъ нашихъ.

Лик: Стих: Благословѣн еси́ на тверди Небѣсней, препѣтый и превозносимый во веки.

Равночѣстно получилъ еси́ председательство апѡстоловъ Христовыхъ,/ и Божественное сихъ учѣние наследовалъ еси́ и, жити́ю подобяся, пелъ еси́:/ благословѣн еси́, Бѡже отецъ нашихъ.

Лик: Слава Отцу́, и Сы́ну, и Свято́му Ду́ху.

Ум имѣя острѣйш, к Боговидѣнию простѣрт,/ еретичествующихъ тупозрѣнию поругалъ еси́,/ благочестивыя же уча́, взывалъ еси́:/ благословѣн еси́, Бѡже отецъ нашихъ.

Лик: И ны́не, и прѣсно, и во ве́ки веко́в. Ами́нь.

Яко зеркало чисто, Твоея́ чистоты́ блистающесея благодати́ю,/ Светородительница, Дѣво, и Богородица Всечѣстая была́ еси́./ Тѣмже согласно́ Рождеству́ Твоему́ поѣм:/ благословѣн еси́, Бѡже отецъ нашихъ.

Песнь 8

Лик: Стих: Благословите, вся дела́ Господня, Господа, пойте и превозносите Егѡ во веки.

Лик: Стих: Благословите, Ангели Господни, Небеса́ Господня, Господа, пойте и превозносите Егѡ во веки.

Лик: Стих: Благословите, воды́ вся, яже превыше Небѣс, вся силы́ Господни, Господа, пойте и превозносите Егѡ во веки.

Лик: Стих: Благословите, со́лнце и мѣсяц, звѣзды небѣсныя Господа, пойте и превозносите Егѡ во веки.

Лик: Стих: Благословите, всяк дождь и роса, вси дуси, Господа, пойте и превозносите Его во веки.

Лик: Стих, на 14: Благословите, огонь и вар, студ и зной, Господа, пойте и превозносите Его во веки.

Канон святителя Мелетия. Глас 8. На 6.

Ирмос, глас 8: Седмерицею пещь/ халдейский мучитель,/ Богочестивым неистовно разжже,/ силою же лучшею спасены, сия виде, / Творцу и Избавителю вопияше:/ отроцы, благословите,/ священницы, воспойте, // людие, превозносите во вся веки.

Лик: Стих: Благословите, росы и иней, леди и мраз, Господа, пойте и превозносите Его во веки.

Чтец: Пресветло научил еси Единого чтити Божество, еже во Отце, и Сыне, и Дусе, / и силу безмерну, и царство единое яве / свойством, крепко соблюдаемым коеждо Ипостаси. / Емуже и поя, вопиял еси: людие, превозносите во вся веки.

Лик: Стих: Благословите, сланы и снези, нощи и дние, Господа, пойте и превозносите Его во веки.

Пресветло научил еси Единого чтити Божество, еже во Отце, и Сыне, и Дусе, / и силу безмерну, и царство единое яве / свойством, крепко соблюдаемым коеждо Ипостаси. / Емуже и поя, вопиял еси: людие, превозносите во вся веки.

Лик: Стих: Благословите, свет и тьма, молния и облацы, Господа, пойте и превозносите Его во веки.

Святыни храм, святителю, быв, / вся освящаеши, твое имя нарицати тщащияся, / и образ, отче, твой, любвию яже к тебе написующия, блаженне, и верою поющия: / благословите, вся дела Господня, Господа, / пойте и превозносите Его во веки.

Лик: Стих: Благословите, земля, горы и холмы и вся, прозябающая на ней, Господа, пойте и превозносите Его во веки.

Тайнонаставленными изряднейшее твоё стадо просветил еси,/ ныне же первородных Церквей возрастил еси,/ приложение быв от века просиявшим святительскими и тайными службами./ С нимиже вопиёши непрестанно:/ священники, пойте, людие, превозносите Господа во веки.

Лик: Стих: Благословите, источники, моря и реки, кити и вся, движущаяся в водах, Господа, пойте и превозносите Его во веки.

Научаемы, Всечистая, еже на Тебе таинством/ и бывшее Тобою пожинающее душам избавление и спасение,/ зовём со Архангелом Гавриилом Тебе:/ радуйся,– вопиюще,– Богородице,– и верно песнопойще Тя,/ и превозносяще, Чистая, во веки.

Лик: Стих, на 8: Благословите, вся птицы небесныя, зверие и вси скоти, Господа, пойте и превозносите Его во веки.

Трипёснец в среду 1-й седмицы. Глас 2. На 4.

Пещь страстей распалает душу мою, но росю милости Твоея сию увяди, источивый безстрастия токи из нетленных Твоих ребр, распинаемь, Благодетелю, многаго ради снизождения.

Лик: Стих: Благословите, сынове человечести, да благословит Израиль Господа, пойте и превозносите Его во веки.

Вознёсл еси ны падшия в злобу на Кресте Твоим вознесением, Христэ: темже попользшася в пропасть греха, возведи, и утверди мя на камени спасения: яко да славлю державу Твою.

Лик: Стих: Благословите, священницы Господни, раби Господни, Господа, пойте и превозносите Его во веки.

Копиём Твоим, Христэ, страстэй гноение очисти́в от сёрдца моего́, всего́ мя исцели́, егóже змий уязви́ зубы́ ядовитыми. И даждь ми непоколебимо́ к Божественным стезя́м ходи́ти.

Лик: Стих: Благослови́те, ду́си и ду́ши пра́ведных, преподо́бнии и смире́ннии сёрдцем, Го́спода, по́йте и превозноси́те Егó во ве́ки.

Тебе́ свётлую свещу́ и свещник, в Нейже́ огонь Божества́ вселься́, просвети́ ношно́ю одержимых тлею́, Нескве́рная, чтим вси́ благословя́ще, Благословенная́, рождество́ Твое́.

Лик: Стих, на 4: Благослови́те, Ана́ния, Аза́рия, Мисаи́л, Го́спода, по́йте и превозноси́те Егó во ве́ки.

Ин трипéснец в сре́ду 1-й седми́цы. Глас 2. На 4.

Посредé разбо́йник распя́таго на дрéве, и копиём прободённаго, в живо́тная́я ре́бра, по́йте, благослови́те и превозноси́те во вся́ ве́ки.

Лик: Стих: Благослови́те, апо́столи, проро́цы и му́ченицы Госпо́дни, Го́спода, по́йте и превозноси́те Егó во ве́ки.

Судя́й всей земли́, суди́щу предста́л еси́, зауше́н был еси́ и поруган, на Кресте́ повешен был еси́, от тли́ мя пременя́я дрéвняго грехá, во вся́ ве́ки.

Лик: Стих: Благослови́м Отца́, и Сы́на, и Свята́го Ду́ха, Го́спода.

Божество́ Еди́но Трои́ца, Неразде́льное Естество́, разде́льное же Ли́цы, непоколебима́я Держáво, О́тче, Сы́не и Ду́ше, Тебе́ песносло́вим во вся́ ве́ки.

Лик: И ны́не, и присно́, и во ве́ки веко́в. Ами́нь.

Богороди́тельнице Чистая́, Небе́сная Врата́, Спаси́тельная Двере́, всех христиа́н моле́ния приими́, блажа́щих Тя во вся́ ве́ки.

Лик: Сла́ва Тебе́, Бо́же наш, сла́ва Тебе́.

Кресте́ Христóв, разбо́йника наста́вивый к ве́ре, и мене́ к течению́ благоси́льно постóм сподо́би, предвари́ти на поклонение́ твоё, и оживотвори́тися.

Лик: Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Катавасия

Ирмос, глас 2: В купинé Моисе́ю Дéвы чу́до,/ на Сина́йстей горé прообразивша́го иногдá,// по́йте, благослови́те и превозно́сите во вся ве́ки.

Диакон: Богоро́дицу и Мате́рь Све́та в пе́снях возвели́чим.

Песнь Пресвятыя Богородицы

Лик: Вели́чит душá Моя́ Го́спода, и возра́довася дух Мой о Бо́зе Спа́се Моём.

Припев: Честне́йшую Херув́им и сла́внейшую без сравне́ния Сераф́им, без ислéния Бо́га Сло́ва ро́ждшую, су́щую Богоро́дицу, Тя велича́ем.

Я́ко призре́ на смире́ние Рабы́ Своея́, се бо от ны́не ублажа́т Мя вси ро́ди.

Припев: Честне́йшую Херув́им и сла́внейшую без сравне́ния Сераф́им, без ислéния Бо́га Сло́ва ро́ждшую, су́щую Богоро́дицу, Тя велича́ем.

Я́ко сотвори́ Мне вели́чие Си́льный, и свя́то и́мя Его́, и ми́лость Его́ в ро́ды родо́в боя́щимся Его́.

Припев: Честне́йшую Херув́им и сла́внейшую без сравне́ния Сераф́им, без ислéния Бо́га Сло́ва ро́ждшую, су́щую Богоро́дицу, Тя велича́ем.

Сотвори́ держа́ву ми́шцею Своёю, расточи́ го́рдья ми́слию се́рдца их.

Припев: Честне́йшую Херув́им и сла́внейшую без сравне́ния Сераф́им, без ислéния Бо́га Сло́ва ро́ждшую, су́щую Богоро́дицу, Тя велича́ем.

Низложі сільныя со престол, и вознесé смиренныя; алчущія исполни благ, и богатящіяся отпусти тщи.

Припев: Честнейшую Херувим и славнейшую без сравнения Серафим, без исления Бóга Сло́ва рóждшую, сущую Богородицу, Тя велича́ем.

Восприят Израїля óтрока Своего́, помяну́ти мило́сти, я́коже глаго́ла ко отце́м на́шим, Авра́аму и се́мени его́ да́же до ве́ка.

Припев: Честнейшую Херувим и славнейшую без сравнения Серафим, без исления Бóга Сло́ва рóждшую, сущую Богородицу, Тя велича́ем.

Песнь 9

Канон святителя Мелетия. Глас 8. На 6.

Ирмос, глас 8: Ужасéся о сém Не́бо,/ и земли́ удиви́шася концы́,/ я́ко Бог яви́ся челове́ком плóтски и чре́во Твое́ бысть пространнейшее Небéс./ Тем Тя, Богородицу, // А́нгелов и челове́к чинонача́лия велича́ют.

Лик: Стих: Благословéн Господь, Бог Израїлев, я́ко посети́ и сотвори́ избавлéние лю́дем Сво́им.

Чтец: Невещéственно невещéственному предсто́я,/ Его́же, и Зиждите́ля всех и Го́спода, и О́тчее Сло́во, и Му́дрость,/ существенне и соестественне суща, ты Богосло́вил еси́ свéтло,/ моля́, не престáй спасти́/ и́же véрою тя, Богоглаго́ливе, хва́лящия.

Лик: Стих: И воздв́иже рог спасéния нам в дому́ Дави́дове, óтрока Своего́.

Невещéственно невещéственному предсто́я,/ Его́же, и Зиждите́ля всех и Го́спода, и О́тчее Сло́во, и Му́дрость,/ существенне и соестественне суща, ты Богосло́вил еси́ свéтло,/ моля́, не престáй спасти́/ и́же véрою тя, Богоглаго́ливе, хва́лящия.

Лик: Стих: Я́коже глаго́ла усты́ святы́х, сущих от ве́ка проро́к Его́.

Труды потящася духовными/ и усердно еще борющася за него с дуборцы,/ ты зря Благий и Святой Дух, венчав/ яко победителя, прият достойно,/ и с Вышними, всеблаженне, ликостоянии счисли ты.

Лик: Стих: Спасение от враг наших, и из руки всех ненавидящих нас.

Подвиги совершив благочестивы,/ и течение скончав добрейшее,/ и правей вере научив всеблагочестно,/ праведный венец от всех Содетеля приял еси, Богоглаголиве,/ собора учителей песнь от песней предпосылая.

Лик: Стих: Сотвори ти милость со отцы нашими и помянути Завет Святой Свой.

Удобно, Богородице, преити жития подаждь ми бурю,/ напастей настояния и страстей, яко блага укротящи/ и наставляющи к добродетели, и стези правости,/ да яко Благодетельницу непрестанно величаю Тя.

Лик: Стих, на 8: Клятву, еюже клятся ко Аврааму, отцу нашему, дати нам без страха, из руки враг наших избавльшимся.

Трипеснец в среду 1-й седмицы. Глас 2. На 4.

Солнца светлее пост возсиявый, многосветлая благодать, благовестует всем крестныя лучи, и зареи честныя Страсти, и Воскресения день спасительный.

Лик: Стих: Служити Ему преподобием и правдою пред Ним вся дни живота нашего.

Чистоту возлюбим, блуда отбежим, чресла целомудрием препояшим: яко да чисти явемся Чистому и единому от всех ищущему чистоты, Спасу душ наших.

Лик: Стих: И ты, отроча, пророк Вышняго наречешися, предидеши бо пред лицом Господним уготовати пути Его.

Христе, страху Твоему пригвозди плоти моя, Кресту пригвоздивый грех Адамов, разреши зол моих союзы, лукаваго сокруши стрелы копием Твоим, Владыко, и сего вреда избави мя.

Лик: Стих: Дати разум спасения людем его, во оставление грех их, милосердия ради милости Бога нашего.

Судию Праведнейшаго и Единого Благоуветливаго, рождающая Деву Христа Господа, избави мя суда, Отроковице, и огня и мучения, яже ми исходят от греха наслаждение.

Лик: Стих, на 4: В нихже посети нас Восток с высоты, явитися во тьме и сени смертной сидящим.

Ин трипеснец в среду 1-й седмицы. Глас 2. На 4.

О благоутробия Твоего! яко Крест претерпел еси, гвоздие и копие, Господи, мене ради осужденного тлею: темже пою Тя, Христе.

Лик: Стих: Направить ноги наша на путь мирен.

Кресту, трости, гвоздием и копию, жизненным Твоим Страстем вси людие поклоняющиеся, песнями, Христе, поем Тя.

Лик: Слава Отцу, и Сыну, и Святому Духу.

Единице Триипостасная, Троице Единственная. Господоначальная, естество равнославное, Отче, Сыне и Божественный Духе, спаси всех нас.

Лик: И ныне, и присно, и во веки веков. Аминь.

Радуйся, очистилище миру, Богородице, в неже прибегши вси грешнии, к Богу примирения присно обретаем.

Лик: Слава Тебе, Боже наш, слава Тебе.

Крестом Твоим, Господи, и мене укрепив, постов мне даруй Благий благомощно скончати обхождение.

Катавасия

Ирмос, глас 2: Чистую и Пречистую, Матерь и Деву, / песнями песней вси вернии, // благочестно яко Богородицу величаем.

Достойно есть...

Досто́йно е́сть я́ко вои́стинну блажи́ти Тя, Богоро́дицу, /
Присноблаже́нную и Пренепоро́чную и Ма́терь Бо́га
нашего. / Честне́йшую Херув́им и сла́внейшую без сравне́ния
Сераф́им, / без ислéния Бо́га Сло́ва ро́ждшую, су́щую
Богоро́дицу Тя велича́ем.

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на-
шу Богоро́дицу и Присноде́ву Мари́ю, со все́ми святы́ми помяну́вше, са́ми себе́
и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Я́ко Тя хва́лят вся Си́лы Небе́сныя, и Тебе́ сла́ву возсыла́ем, От-
цу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Светильны

Чтец: Свет возсия́й ми́ру Твоему́, / во тьме ду́шу мою́ су́щую от всякаго
греха́ очисти́,

Лик: си́лою, Го́споди, Креста́ Твоего́, и спаси́ мя.

Чтец: Сла́ва Отцу́, и Сы́ну, и Свято́му Ду́ху. Свет возсия́й ми́ру Твоему́, /
во тьме ду́шу мою́ су́щую от всякаго греха́ очисти́,

Лик: моли́твами, Го́споди, святы́х Твои́х, и спаси́ мя.

Чтец: И ны́не, и прісно, и во ве́ки веко́в. Ами́нь. Свет возсия́й ми́ру Твое-
му́, / во тьме ду́шу мою́ су́щую от всякаго греха́ очисти́,

Лик: моли́твами, Го́споди, Богоро́дицы, и спаси́ мя.

Хвалитны

Псалом 148

Чтец: Хвалите Господа с Небес. Тебе подобает песнь Богу. Хвалите Господа с Небес, хвалите Его в вышних. Тебе подобает песнь Богу. Хвалите Его, вси Ангели Его, хвалите Его, вся Силы Его. Тебе подобает песнь Богу. Хвалите Его, солнце и луна, хвалите Его, вся звезды и свет. Хвалите Его, небеса небес, и вода, яже превыше небес, да восхвалят имя Господне. Яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны, огонь, град, снег, голоть, дух бурен, творящая слово Его, горы и вси холми, древа плодоносна и вси кедри, зверие и вси скоти, гади и птицы пернаты, царие земстии и вси людие, князи и вси судии земстии, юноши и девы, старцы с юнотами да восхвалят имя Господне, яко вознесся имя Того Единого. Исповедание Его на земли и на Небеси, и вознесет рог людей Своих. Песнь всем преподобным Его, сыновом Израилевым, людем, приближающимся Ему.

Псалом 149

Воспойте Господеву песнь нову, хваление Его в церкви преподобных. Да возвеселится Израиль о сотворшем его, и сынове Сиони возрадуются о Царе своем. Да восхвалят имя Его в лице, в тимпанах и псалтири да поют Ему. Яко благоволит Господь в людех Своих и вознесет короткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царя их пуги, и славные их ручными окovy железными.

На 6: Сотворити в них суд написан, / слава сия будет всем преподобным Его.

Псалом 150

Хвалите Бога во святых Его, / хвалите Его во утвержении силы Его.

На 4: Хвалите Его на силах Его, / хвалите Его по множеству величества Его.

Хвалите Его во гласе трубнем, / хвалите Его во псалтири и гуслех.

Хвалите Его в тимпанах и лице, / хвалите Его во струнах и органе.

Хвалите Его в кимвалех доброгласных, хвалите Его в кимвалех восклицания. / Всякое дыхание да хвалит Господа.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Тебе́ сла́ва подоба́ет, Го́споди Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно, и во ве́ки веко́в. Ами́нь.

Чтец: Сла́ва Тебе́, Показавшему нам свет.

Славословие вседневное

Сла́ва в вы́шних Бо́гу, и на землі мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодарі́м Тя, вели́кия ра́ди сла́вы Твоея́. Го́споди Царю́ Небе́сный, Бо́же Отче Все-держітелю, Го́споди, Сы́не Единоро́дный, Иису́се Христэ́, и Святы́й Ду́ше. Го́споди Бо́же, Агнче Бо́жий, Сы́не Оте́чь, вземля́й грех ми́ра, помілуй нас; вземля́й грехи́ ми́ра, приими́ моли́тву на́шу; седя́й одесну́ю Отца́, помілуй нас. Яко Ты еси́ един Свят, Ты еси́ еди́н Госпо́дь, Иису́с Христос, в сла́ву Бо́га Отца́, Ами́нь.

На всяк день благословлю́ Тя и восхваля́ю імя Твое́ во ве́ки и в век ве́ка.

Го́споди, Прибе́жище был еси́ нам в род и род. Аз рех: Го́споди, помілуй мя, исцели́ ду́шу мою́, яко согреши́х Тебе́. Го́споди, к Тебе́ прибего́х, научи́ мя твори́ти во́лю Твою́, яко Ты еси́ Бог мой; яко у Тебе́ исто́чник живота́, во све́те Твоём у́зрим свет. Проба́ви ми́лость Твою́ веду́щим Тя.

Таже: Сподо́би, Го́споди, в день сей без греха́ сохра́нѣтися нам. Благосло-вен еси́, Го́споди Бо́же отец на́ших, и хва́льно и просла́влено імя Твое́ во ве́ки. Ами́нь.

Бу́ди, Го́споди, ми́лость Твоя́ на нас, якоже упова́хом на Тя. Благословен еси́, Го́споди, научи́ мя оправда́нием Твоім. Благословен еси́, Влады́ко, вразуми́ мя оправда́нием Твоім. Благословен еси́, Святы́й, просвети́ мя оправда́нии Твоіми.

Го́споди, ми́лость Твоя́ во век, дел руку́ Твоею́ не прэзри. Тебе́ подоба́ет хвала́, Тебе́ подоба́ет пение, Тебе́ сла́ва подоба́ет, Отцу́ и Сы́ну и Свято́му Ду́ху, ны́не и прісно и во ве́ки веко́в. Ами́нь.

Ектенія просительная

Диакон: Исполним у́треннюю моли́тву на́шу Господеви.

Лик: Го́споди, помілуй.

Диакон: Заступи́, спаси́, помілуй и сохрани́ нас, Бо́же, Твоею́ благода́тию.

Лик: Го́споди, помілуй.

Диакон: Дне всего́ соверше́нна, свя́та, ми́рна и безгре́шна у Го́спода про́сим.

Лик: Пода́й, Го́споди. (на каждое прошение)

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себё́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко Бог ми́лости и щедро́т и человеколю́бия еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно́ и во ве́ки веко́в.

Лик: Амíнь.

Священник: Мир всем.

Лик: И ду́хови тво́ему.

Диакон: Главы́ на́ша Го́сподеви приклóним.

Лик: Тебе́, Го́споди.

Священник: Твоё́ бо есть, е́же ми́ловати и спаса́ти ны, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно́ и во ве́ки веко́в.

Лик: Амíнь.

Стихиры на стиховне

Понедельник 1-й седмицы Великого поста на 3

Канонарх: Глас 8, Постом помышлений страсти приидите поработим.

Постом помышлений страсти приидите поработим,/ духо́вными себе́ кри́лы покрывше:/ да вра́жию двíжимую бу́рю, лёгце прешéдше,/ досто́йни бу́дем крестнаго поклонéния,/ о ми́ре заклáннаго во́лею Сы́на Бо́жия,/ и духо́вно прáзднуим из мёртвых Спа́сово воскресéние,/ на го́ру взёмшеся, со ученики́ просла́вим, // власть при́мшаго всю́ Сы́на от Отца́, Человеколю́бца.

Стих: Испóлнихомся заўтра ми́лости Твоея́ Го́споди, и возра́довахомся, и возвесели́хомся, во вся́ дни́ на́ша возвесели́хомся, за дни́, в ня́же сми-

ри́л ны́ еси́, ле́та, в ня́же ви́дохом зля́я. И при́зри на рабы́ Твоя́, и на дела́ Твоя́. /

и наста́ви сы́ны их.

Посто́м помышле́ний стра́сти прииди́те порабо́тим, / духо́вными себе́ кри́лы покрывше: / да вра́жию двíжимую бу́рю, лёгце прешедше, / досто́йни бу́дем крестнаго поклонения, / о ми́ре закланнаго во́лею Сы́на Бо́жия, / и духо́вно прázднуим из ме́ртвых Спа́сово воскресе́ние, / на го́ру взёмшеся, со ученики́ просла́вим, // власть при́мшаго всю Сы́на от Отца́, Человеколю́бца.

Стих: И бу́ди све́тлость Го́спода Бо́га на́шего на нас, и дела́ ру́к на́ших испра́ви на нас. /

и де́ло ру́к на́ших испра́ви.

Му́ченицы Христо́вы непобедими́и, / победи́вше прелесть си́лою крестною, / восприя́те благода́ть вечно́я жи́зни, / му́чителей преще́ния не убо́ястеся, / му́ками ураняе́ми весели́теся: / и ны́не кро́ви ва́ша бы́ша исцеления́ душ на́ших, // мо́лите спасти́ся душа́м на́шим.

Слава и ныне, глас 8. Сла́ва Отцу́, и Сы́ну, и Свято́му Ду́ху.

И ны́не, и при́сно, и во ве́ки веко́в. Ами́нь.

Что зримо́е видение, / е́же Мои́ми очесы́ зрится, о Влады́ко? / содержа́й всю тварь, на дре́во вознесён еси́, / и умерщвлён, всем да́руяй живо́т, / Богоро́дица пла́чущи глаго́лаше, / егда́ зря́ше на Кресте́ Всечы́стая, // из Нея́ неизрече́нно возсия́вшаго Бо́га и Челове́ка.

Чтец: Благо есть исповѣдаться Господеви, и пѣти Имени Твоему, Вышний: возвещати заутра милость Твою, и истину Твою на всяку ночь. *(Дважды)*.

Святый Бже, Святый Крепкий, Святый Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй *(трижды)*.

Слава Отцу, и Сыну, и Святому Духу, и ныне, и присно, и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава, Отца, и Сына, и Святого Духа, ныне и присно, и во веки веков. Аминь.

Лик: Аминь.

Чтец: Аминь. В храме стояще славы Твоея, / на небеси стояти мним, / Богородице, дверь небесная, / отверзи нам двери милости Твоея.

Чтец: Господи помилуй *(40 раз)*.

Слава Отцу, и Сыну, и Святому Духу, и ныне, и присно, и во веки веков. Аминь.

Честнейшую Херувим и славнейшую без сравнения Серафим, без ислѣния Бога Слова рождшую, сущую Богородицу, Тя величаем.

Именем Господним благослови, отче.

Священник: Сый благословен Христос Бог наш, всегда, ныне и присно, и во веки веков.

Чтец: Аминь. Небесный Царю, веру утверди, языки укроти, мир умири, святый храм сей добре сохрани: прежде отшедшыя отцы и братию нашу в селениих праведных учини, и нас в покаянии и исповедании приими, яко Благий и Человеколюбец.

Молитва Еврема Сирина

Посем поклоны великия три, глаголюще в них на коемждо поклоне молитву преподобнаго Ефрема:

Господи и Владыко живота моего, дух праздности, уныния, любоначалия, и празднословия не даждь ми *(Поклон)*.

Дух же целомудрия, смиренномудрия, терпения, и любви, даруй ми рабу Твоему *(Поклон)*.

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков, аминь *(Поклон)*.

Также 12 малых поклонов с молитвой: Боже, очисти мя, грешнаго.

И снова всю молитву:

Господи и Владыко живота моего, дух праздности, уныния, любоначалия, и празднословия не даждь ми. Дух же целомудрия, смиренномудрия, терпения, и любви, даруй ми рабу Твоему. Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков *(и один великий поклон)*.

Чтец: Аминь.

1-й час

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотят беззакония, Ты еси: не приселится к Тебе лукавнуая, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси

уповаючи на Тя, во век возрадуются, и вселишия в них, и похвалятся о Тебе любящи имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и преидет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчестит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящия преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядах. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающия беззаконие.

Кафизма 2

Псалом 9

Испове́мся Тебе́, Го́споди, всем се́рдцем мо́им, пове́м вся чудеса́ Твоя́. Возвеселю́ся и возра́дуюся о Тебе́, пою́ и́мени Твоему́, Вы́шний. Внегда́ возврати́тся врагу́ моему́ вспя́ть, изнемо́гут и поги́бнут от лица́ Твоего́. Я́ко сотвори́л еси́ суд мой и прю́ мою́, сел еси́ на Престо́ле, судя́й пра́вду. Запрети́л еси́ язы́ком, и поги́бе нечести́вый, и́мя его́ потреби́л еси́ в век и в век ве́ка. Врагу́ оскуде́ша ору́жия в ко́нec, и гра́ды разруши́л еси́, поги́бе па́мять его́ с шу́мом. И Го́спо́дь во век пребыва́ет, угото́ва на суд престо́л Свой, и Той суди́ти има́ть вселе́нней в пра́вду, суди́ти има́ть лю́дем в правоте́. И бысть Го́спо́дь прибе́жище убо́гому, помо́щник во благовре́мениих, в ско́рбех. И да упова́ют на Тя зна́ющии и́мя Твое́, я́ко не оста́вил еси́ взыска́ющих Тя, Го́споди. По́йте Го́сподеви, живу́щему в Сио́не, возвести́те во язы́цех начинáния Его́, я́ко взыска́яй кро́ви их помяну́, не забы́ звáния убо́гих. Помилуй мя, Го́споди, виждь смире́ние моё от враг мо́их, вознося́й мя от врат сме́ртных, Я́ко да возвещу́ вся хвалы́ Твоя́ во врата́х дщере́ Сио́ни, возра́дуемся о спасе́нии Твое́м. Углебо́ша язы́цы в па́губе, ю́же сотвори́ша, в се́ти сей, ю́же скры́ша, увязе́ нога́ их. Зна́емь есть Го́спо́дь судьбы́ творя́й, в де́лах руку́ свое́ю увязе́ грешник. Да возвратя́т-ся грешни́цы во ад, вси язы́цы забыва́ющии Бо́га. Я́ко не до ко́нца забвён бу́дет ни́щий, терпе́ние убо́гих не поги́бнет до ко́нца. Воскресни́, Го́споди, да не крепи́тся челове́к, да су́дятся язы́цы пред Тобо́ю. Поста́ви, Го́споди, законополо́жителя над ни́ми, да разуме́ют язы́цы, я́ко челове́цы суть. Вскую́, Го́споди, отстоя́ далече́, презира́еши во благовре́мениих, в ско́рбех? Внегда́ горди́тися нечести́вому, возгара́ется ни́щий, увязáют в со́ветех, я́же помышля́ют. Я́ко хвали́мь есть грешный в по́хотех души́ своея́, и оби́дяй благослови́мь есть. Раздражи́ Го́спода грешный, по мно́жеству гнева́ своего́ не взы́щет, несть Бо́га пред ним. Оскверня́ются пути́е его́ на вся́ко вре́мя, отъе́млются судьбы́ Твоя́ от лица́ его́, все́ми враги́ свои́ми облада́ет. Рече́ бо в се́рдце свое́м, не подви́жуся от ро́да в род без зла́, его́же кля́твы уста́ его́ по́лна суть, и го́рести и льсти, под язы́ком его́ труд и боле́знь. Приседи́т в лови́тельстве с богáтыми в та́йных, е́же уби́ти не-пови́ннаго, о́чи его́ на ни́щаго призира́ете. Лови́т в та́йне я́ко лев во огра́де свое́й, лови́т е́же восхитити ни́щаго, восхитити ни́щаго, внегда́ привле́щи и́ в се́ти свое́й. Смирит его́, прекло́нится и паде́т, внегда́ ему́ облада́ти убо́гими. Рече́ бо в се́рдце свое́м: забы́ Бог, отврати́ лице́ Своё́, да не ви́дит до ко́нца. Воскресни́, Го́споди Бо́же мой, да вознесе́тся рука́ Твоя́, не забуди́ убо́гих Твои́х до ко́нца. Чесó ра́ди прогне́ва нечести́вый Бо́га? Рече́ бо в се́рдце свое́м: не взы́щет. Ви́диши, я́ко Ты боле́знь и я́рость смотре́еши, да пре́дан бу́дет в ру́це Твои́, Тебе́ оста́влен есть ни́-

щий, сіру Ты бўди помóщник. Сокруші мýшцу грéшному и лукавóму, взýщется грех егó и не обрýщется. Госпóдь Царь во век и в век вéка, погíбнете, язýцы, от землі Егó. Желáние убóгих услýшал есі, Гóсподи, уготóванию сéрдца их внят úхо Твое. Суді сіру и смирену, да не приложит ктому́ величáтися человек на землі.

Псалом 10

На Гóспода упóвах, кáко речéте душí моёй: превитáй по горáм, я́ко птíца? Я́ко се, грéшницы налякóша лук, уготóваша стрéлы в тóле, состреля́ти во мрáце прáвья сéрдцем. Занé я́же Ты совершил есі, онí разруш́иша, прáведник же что сотвори́? Госпóдь во хра́ме святéм Своём. Госпóдь, на небесí престóл Егó, óчи Егó на н́щаго призира́ете, вéжди Егó испытáете сýны человекéския. Госпóдь испытáет прáведнаго и нечестíваго, любя́й же неправду ненав́дит свою́ дýшу. Одожд́ит на грéшники сéти, огонь и ж́упел, и дух б́урен часть чáши их. Я́ко прáведен Госпóдь, и прáвды возлюбí, правоты́ в́де лицé Егó.

Чтец: Сла́ва Отцý и Сýну и Свято́му Дýху.

Лик: И ны́не и пр́сно, и во вéки векóв. Амíнь. Аллилúиа, аллилúиа, аллилúиа, сла́ва Тебе́ Бóже. *(Трижды)* Гóсподи, помíлуй. *(Трижды)* Сла́ва Отцý и Сýну и Свято́му Дýху.

Чтец: И ны́не и пр́сно, и во вéки векóв. Амíнь.

Псалом 11

Спасí мя, Гóсподи, я́ко оскудé преподóбный, я́ко умáлишася íстины от сынóв человекéских. Сýетная глаго́ла кíйждо ко íскреннему своему́, устне́ льстíвыя в сéрдце, и в сéрдце глаго́лаша злáя. Потребíт Госпóдь вся устны́ льстíвыя, язýк велерéчивый, рéкшыя: язýк наш возвел́чим, устны́ на́ша при нас суть, кто нам Госпóдь есть? Стра́сти ра́ди н́щих и воздыхáния убóгих ны́не воскресnú, глаго́лет Госпóдь, положýся во спасéние, не обвинýся о нем. Словеса́ Госпóдня словеса́ ч́ста, сребро́ разжéно, искушéно землі, очищéно седмер́цею. Ты, Гóсподи, сохрани́ши ны и соблюде́ши ны от ро́да сегó и во век. О́крест нечестíвии хóдят, по высотé Твоей умно́жил есі сýны человекéския.

Псалом 12

Докóле, Гóсподи, заб́удеши мя до концá? Докóле отвращáеши лицé Твое́ от менé? Докóле полож́у совéты в душí моёй, болéзни в сéрдце моём день и но́щь? Докóле вознесéтся враг мой на мя? При́зри, услýши мя, Гóсподи Бóже мой, просветí óчи мо́й, да не когда́ усну́ в смерть, да не

когда речёт враг мой, укрепихся на него. Стужающие ми возрадуются, аще подвижуся. Аз же на милость Твою уповах, возрадуется сердце мое о спасении Твоем, воспою Господеви благодеявшему мне и пою имени Господа Вышняго.

Псалом 13

Рече безумен в сердце своем: несть Бог. Раствлеша и омерзшася в начинаниих, несть творяй благостыню. Господь с небес приниче на сыны человеческия, видети, аще есть разумеваая или взыскаая Бога. Все уклонишася, вкупе неключими быша: несть творяй благостыню, несть до единого. Ни ли уразумеют все делающие беззаконие, снedaющие люди моя в снeдь хлеба? Господа не призваша. Тамо убояшася страха, идеже не бе страх, яко Господь в роде праведных. Совет нищаго посрамите, Господь же упование его есть. Кто даст от Сиона спасение Израилево? Внегда возвратит Господь пленение людей Своих, возрадуется Иаков, и возвеселится Израиль.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 14

Господи, кто обитает в жилищи Твоем? Или кто вселится во святую гору Твою? Ходяй непорочен и делаяй правду, глаголяй истину в сердце своем. Иже не ульсти языком своим и не сотвори искреннему своему зла, и поношения не прият на ближния своя. Уничжен есть пред ним лукавняй, боящия же ся Господа славит, кленыйся искреннему своему и не отметааяся. Сребра своего не даде в лихву и мзды на неповинных не прият. Творяй сия не подвижится во век.

Псалом 15

Сохрани мя, Господи, яко на Тя уповах. Рех Господеви: Господь мой еси Ты, яко благих моих не требуеши. Святым, иже суть на земли Его, удиви Господь вся хотения своя в них. Умножишася немощи их, по сих ускориша: не соберу соборы их от кровей, ни помяну же имен их устнама моима. Господь часть достояния моего и чаши моя, Ты еси устраяяй достояние мое мне. Ужя напadoша ми в державных моих, ибо достояние мое державно есть мне. Благословлю Господа, вразумившаго мя, еще же и до

нощи наказаша мя утробы моя. Предзрех Господа предо мною выну, яко одесную мене есть, да не подвижуся. Сего ради возвеселися сердце мое, и возрадовася язык мой, еще же и плоть моя вселится на уповании. Яко не оставиши душу мою во аде, ниже даси преподобному Твоему видети истления. Сказал ми еси пути живота, исполниши мя веселия с лицом Твоим, красота в деснице Твоей в конец.

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретется во мне неправда. Яко да не возлаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящи мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, внемда явити ми ся славе Твоей.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу, и Сыну, и Святому Духу.

Тропарь, глас 6

Священник: Заутра услыши глас мой, / Царю мой и Боже мой.

Лик: Заутра услыши глас мой, / Царю мой и Боже мой.

(Поклон)

Священник: *Стих 1:* Глаголы моя внуши, Господи, разумей звание мое.

Лик: Заўтра услыши глас мой, / Царю мой и Бóже мой.

(Поклон)

Священник: *Стих 2:* Яко к Тебé помолюся, Гóсподи.

Лик: Заўтра услыши глас мой, / Царю мой и Бóже мой.

(Поклон)

Священник: Слава Отцú и Сýну и Святому Дúху,

Чтец: И ныне и прýсно и во вéки веко́в. Амíнь.

Богородичен: Что Тя наречём, о Благодáтная? / Не́бо, яко возсияла еси́ Сóлнце Пра́вды. / Рай, яко прозяблá еси́ цвет нетлéния. / Дéву, яко пребыла́ еси́ нетлéнна. / Чýстую Мáтерь, яко имéла еси́ на святýх Твои́х объáтиях Сýна, всех Бóга. / Того́ моли́ спастýся душáм нáшим.

Лик: Стопы́ моя́ напра́ви по словеси́ Твоемý // и да не облада́ет мно́ю всякое беззакóние. **(Дважды)**

Избáви мя от клеветы́ челове́ческа, // и сохраню́ за́поведи Твоя́. **(Дважды)**

Лице́ Твое́ просвети́ на раба́ Твоего́ // и научи́ мя оправдáнием Твои́м. **(Дважды)**

Да исполняются уста́ моя́/ хвалéния Твоего́, Гóсподи, / яко да воспою́ сла́ву Твою́, // весь день великолéпие Твое́. **(Трижды)**

Святýй Бóже, Святýй Кре́пкий, Святýй Безсме́ртный, помилуй нас. **(Трижды, с крестным знаменем и поясным поклоном)**

Слава Отцú и Сýну и Святому Дúху, и ныне и прýсно и во вéки веко́в. Амíнь.

Пресвятáя Трóице, помилуй нас; Гóсподи, очисти грехи́ нáша; Влады́ко, прости́ беззакóния нáша; Святýй, посети́ и исцели́ нéмощи нáша, имене Твоего́ ра́ди.

Гóсподи, помилуй. **(Трижды)**

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, Ёже еси́ на небесе́х! Да святітся імя Твое́, да приідет Ца́рствие Твое́, да бу́дет во́ля Твоя́, я́ко на небеси́ и на землі. Хлеб наш насу́щный да́ждь нам днесь; и оста́ви нам до́лги на́ша, я́коже и мы оставля́ем должникомо́ нашим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство и сила, и сла́ва Отца́ и Сы́на и Свята́го Ду́ха, и ны́не и прісно и во ве́ки веко́в.

Чтец: Ами́нь.

Кондак

В среду же и пяток глаголи сие, глас 4:

Скоро предвари́, прѣжде да́же не порабо́тимся враго́м / хулящим Тя, и претя́щим нам, Христѣ́ Бо́же наш, / погуби́ Крестомъ Твои́м борю́щия нас, / да уразуме́ют, ка́ко мо́жет правосла́вных ве́ра, / моли́твами Богоро́дицы, Еди́не Человеколю́бче.

Го́споди, поми́луй (40 раз).

Ёже на всякое вре́мя и на всякий час, на Небеси́ и на землі, покланя́емый и сла́вимый, Христѣ́ Бо́же, Долготерпелі́ве, Многоми́лостиве, Многобла́гоутро́бне, Ёже пра́ведныя любя́й и грѣшныя ми́луяй, Ёже вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти́, помышле́ния испра́ви, мы́сли очисти́ и изба́ви нас от вся́кия ско́рби, зол и болѣзней, ограді́ нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди, поми́луй, (Трижды).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Честне́йшую Херуві́м/ и сла́внейшую без сравне́ния Серафі́м,/ без ислѣ́ния Бо́га Сло́ва ро́ждшую,/ су́щую Богоро́дицу, Тя велича́ем.

И́менем Госпо́дним благослови́, о́тче.

Священник: Бо́же, ущѣдри ны и благослови́ ны, просвети́ лице́ Твое́ на ны и поми́луй ны.

Чтец: Аминь.

Молитва Ефрема Сирина

Господи и Владыко животá моего, дух прázдности, уны́ния, любоначáлия, и празднослóвия не даждь ми. *(Поклон)*

Дух же целомудрия, смиренномудрия, терпéния, и любвѣ, даруй ми рабу́ Твоему́. *(Поклон)*

Ей, Господи Царю́, даруй ми зрѣти моя́ прегрешéния, и не осуждáти брата́ моего́, я́ко благословѣн еси́ во вѣки веко́в, аминь. *(Поклон)*

Таже малых 12, глаголюще на кийждо поклон: Бóже, очисти мя грéшнаго.

И паки последи молитву всю:

Господи и Владыко животá моего, дух прázдности, уны́ния, любоначáлия, и празднослóвия не даждь ми. Дух же целомудрия, смиренномудрия, терпéния, и любвѣ, даруй ми рабу́ Твоему́. Ей, Господи Царю́, даруй ми зрѣти моя́ прегрешéния, и не осуждáти брата́ моего́, я́ко благословѣн еси́ во вѣки веко́в.

И поклон един великий.

Чтец: Аминь. Святы́й Бóже, Святы́й Крѣпкий, Святы́й Безсмѣртный, помилуй нас. *(Трижды, с крестным знаменем и поясным поклоном.)*

Сла́ва Отцу́ и Сы́ну и Свято́му Духу, и ны́не и прѣсно и во вѣки веко́в. Аминь.

Пресвятáя Трóице, помилуй нас; Господи, очисти грехи́ нáша; Влады́ко, прости́ беззакóния нáша; Святы́й, посети́ и исцели́ нéмощи нáша, имене́ Твоего́ рáди.

Господи, помилуй. *(Трижды).*

Сла́ва Отцу́ и Сы́ну и Свято́му Духу, и ны́не и прѣсно и во вѣки веко́в. Аминь.

Отче наш, Иже еси́ на небесéх! Да святится́ имя́ Твое́, да приидет Цáрствие Твое́, да бóдет во́ля Твоя́, я́ко на небеси́ и на земли́. Хлеб наш насущный даждь нам днесь; и остави́ нам дóлги нáша, я́коже и мы оставляем должникомó нáшим; и не введи́ нас во искушéние, но избáви нас от лука́ваго.

Священник: Я́ко Твое́ есть Цáрство и сила и слава Отца́ и Сына́ и Святого́ Духа, ныне́ и прѣсно и во веки веков.

Чтец: Аминь.

Господи, помилуй. *(12 раз)*

Священник: Христэ, Свэте Ёстинный, просвещаяй и освящаяй всякаго челоуэка, грядущаго в мир, да знаменається на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Лик: Взбранной Воеводе победительная, / яко избавльшеся от злых, / благодарственная восписуем Ти раби Твои, Богородице, / но яко имущая державу непобедимую, / от всяких нас бед свободи, да зовем Ти; // радуйся, Невесто Неневестная.

Священник: Слава Тебе, Христэ Боже, упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Аминь. Господи, помилуй, **(Трижды)**. Благослови.

Отпуст

Христос Ёстинный Бог наш, молитвами Пречистыя Своея Матере, силою Честнаго и Животворящаго Креста, святых славных и всехвальных Апостол, свт. Мелетия, архиепископа Антиохийскаго, святых праведных Богоотец Иоакима и Анны, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святейшаго Патриарха Московскаго и всея Руси, / богохранимую страну нашу Российскую, / настоятеля, бранию и прихожан святаго храма сего, / и вся православныя христианы, // Господи, сохрани их на многая лета.